

671.3403
078
12

新修南陽縣志

新修南陽縣志

PDF

新修南陽縣志目錄

卷首輿圖

縣境全圖

山川圖

城關圖

縣署圖

學宮圖

學堂圖

卷一沿革表

藩封表附

卷二疆域志

星野

山川

古蹟

風俗

物產

卷三建置志

城池

官署

壇廟

鄉保

集鎮

卷四職官表

宦蹟附

卷五田賦志

戶口

田畝

錢糧

鹽法

倉儲

卷六學校志

貢舉表

世職表

封贈表附

卷七祠祀志

名宦

鄉賢

忠義孝悌

節孝

卷八兵防志

歷代兵事

屯衛

驛鋪

保甲

卷九溝渠志 陂堰

卷十藝文志 金石附

卷十一人物志 列女附

卷十二雜記 祥異 流寓 仙釋 寺觀

南陽縣志卷一

沿革表

南陽古申呂之國也昔在唐虞四岳佐禹治水有功帝

堯嘉之封於有呂

歷代紀事年表封呂事在帝堯八十一載潛夫論宛西三十里有呂城

實爲禹股肱心呂之臣

國語說文解字許慎

虞夏之際又封之

申

史記齊世家申在今南陽縣北三十里

史記正義

歷夏商暨周世爲諸侯以

奉大嶽之祀

詩崧高鄭箋

周穆王時呂侯爲王司寇實作呂

刑

尙書呂刑孔傳

其後呂改爲甫故呂刑亦曰甫刑

尙書孔疏

而申

伯以王舅有功於周宣王命邑於謝

詩崧高朱子集傳謝在今鄧州南陽

縣

詩人美焉周之衰申呂并滅於楚楚置申呂之縣以

禦晉鄭春秋左氏傳又置武城於申北春秋左氏傳杜預最

後置宛史記越春秋吳宛故申伯都也漢書地理志七國分

爭宛嘗入韓戰國策薛公以齊爲韓魏攻楚九年取宛

宛東有周赧王二十四年秦伐韓拔宛史記韓世家六國

歷代紀事年表按史記秦本紀昭王十五年攻楚

拔宛穰侯列傳亦云取楚之宛葉然楚世家是年無見

又二十年秦置南陽郡治宛史記秦本紀劉昭曰

胡三省通鑑注秦置南陽郡其在後郡或改徙至隋開皇

初置南陽縣隋書仍屬南陽郡時郡金元之後始爲府治

蓋自漢以來增析并省紛然矣明成化十二年析置南
召縣 國朝順治十六年省南召入南陽雍正十二年

復置南召從督臣王士俊之請也舊志沿革頗畧又其時南召尙未分置故所載或非今地今爲表一依大清一統志而增育陽安衆涅陽三縣斷自漢世迄於有明凡前代縣邑之在今縣地者悉著於表又爲藩封表以次於後與當世治國聞者共證焉

兩漢

三國

晉

宋

齊梁

魏齊周

隋

唐五代

宋

金元

明

宛縣

宛縣

宛縣

宛縣

宛縣

宛縣

南陽縣

南陽縣

南陽縣

南陽縣

南陽縣

郡治於南陽後漢復水

杜子真

杜行縣

省入宛縣

屬南陽郡後漢省

博望縣

博望縣

博望縣

廢

上陌縣

周省

開皇初改屬南陽郡

武德初宛州領上宛安國二縣並治宛城八年省入南陽屬鄧州

屬鄧州

府治

屬南陽郡

地分置周以宛縣省入更名上

雒縣

屬南陽郡

雒縣

雒縣

省

西鄂縣

屬南陽郡

西鄂縣

西鄂縣

省

北雒縣

魏復置西
魏兼置雒
陽郡

西鄂縣

魏復置屬
南陽郡周
廢

向城縣

西魏分西
鄂置屬雒
陽郡

向城縣

屬治陽郡

向城縣

武德三年
漢清州八
年廢屬北
潁州貞觀
九年還屬
鄧州五代
均廢入南
陽

北濟郡

魏直西魏
置冀州

北濟郡

仁壽中改
州曰清州
大業初為
郡後廢

武川縣

魏置郡治
郡治後廢

武川縣

育陽縣

育陽縣

育陽縣

育陽縣

省

屬南陽郡

考武更志云屬

寮縣

寮縣

寮縣

寮縣

省

屬南陽郡

涅陽縣

涅陽縣

涅陽縣

涅陽縣

涅陽縣

涅陽縣

初屬鄧州貞觀初省

漢置初更入南陽

名仍屬南陽郡

屬南陽郡

屬郡

秦既置南陽郡治宛宛固大郡之都也

史記高祖紀張良曰宛大郡之

都也連城數十及漢定天下略依秦舊分置郡縣宛之西南曰

杜衍唐書宰相世系表杜氏赫爲秦大將軍食采於南陽衍邑世稱爲杜衍後漢書注杜衍縣故城在

今鄧州南又西南曰涅陽漢書注應劭曰在涅水之陽

陽縣西南括地志涅陽故城在穰縣

東北六十里今按涅陽故城今名其南曰育陽水經

穰東鎮跨南陽鄧州鎮平三邑界

過宛縣東又屈南過清陽縣東一統志有陽故城在南陽縣南六十里今按縣南六十里有清陽城故址

與志合而志表屬南召蓋東迤北曰博望漢書張騫傳

誤南召在今南陽縣北也博望博望史記年表博望注縣名屬南陽括曰西鄂

地志博望故城在鄧州向城縣東南四十里漢書地理志注應劭曰江夏有鄂故加西云曰雉漢

唐元和郡縣志西鄂故城在向城縣南二十里地理志雉縣注衡山澧水所出太康地志云卽陳倉

人所逐二童子名竇雞者雉縣皆有今南陽縣地武帝元朔四

年又析宛西鄉置安衆安衆者在杜衍之南湍涅之間

也漢書地理志注安衆故宛西鄉水經注梅谿逕杜

水是湍謂之安衆港又云湍水自白牛邑南東逕安衆縣塌而爲陂謂

後漢書注安衆在今南陽縣西南王莽居攝元年安衆候劉崇起兵討

莽攻宛不克爲莽所滅莽既篡漢更南陽郡曰前隊宛

曰南陽杜衍曰閏衍涅陽曰前亭博望曰宜樂

漢書地理志

改置紛如矣而南陽縣名始此光武初興與新市平林
兵拔宛奉更始都之更始敗沒建武二年光武遣大司
馬吳漢擊降宛涅陽明年帝自將下育陽於是南陽郡

縣復歸於漢悉反舊名而省杜衍

水經注建武三年上
自宛遣潁陽侯祭遵

西擊鄧奉弟終破之於杜衍

今按續漢書郡國志
南陽郡三十七城無杜衍蓋省於建武三年後也當

是時帝業之起基於南陽王侯將相第宅相望天子又

時時巡幸其地文物之盛他郡邑所未有也漢德旣衰

羣雄競起獻帝中平元年袁術據南陽未幾術走張繡

據之以附劉表表復攻西鄂戰安眾卒不能定其地建
安四年繡以郡降曹操十一年劉備爲表破曹兵於博
望明年操自將至宛備走於是終魏之世南陽屬魏而
宛爲重鎮荊州刺史治焉

見後漢書

晉書

水經注

安眾

按晉書郡國志南陽國無安眾而劉喬封安眾男蓋縣雖省併猶以名鄉故喬得封焉宋之封劉湛

亦此類也

武帝咸甯三年以南陽郡爲南陽國王其子柬太

康十年柬徙封秦南陽爲郡懷帝永嘉四年以昌平公

模王南陽於是南陽復爲國先是惠帝大安二年義陽

蠻張昌陷宛車騎大將軍劉宏復之至是流民侯脫等

據宛反附於劉聰十月石勒破宛殺脫并其眾於時晉

政不綱劉石慕容苻秦之屬乘釁繼發模傅子保皆不復到國而劉曜石勒或以封其子姓疆域彼此愈勞矣

元帝既立南陽復爲郡成帝咸和三年石勒將石堪攻

宛晉南陽太守王國降於勒於是宛入後趙咸康四年

復歸於晉元和郡縣志南陽永嘉五年爲劉聰所沒至咸康四年始歸晉按晉書成帝紀十六國

春秋後趙錄皆有攻宛事元和志蓋誤穆帝永和五年石遵將石遇一作

攻陷宛宛復入趙是年晉涼州刺史司馬勳復之太和

元年南陽督護趙宏以宛降慕容暉宛入於燕明年晉

荊州刺史桓豁復之其後晉避簡文帝諱更育陽曰云

陽水經注作雲陽太元三年慕容垂陷南陽宛云陽諸縣悉入

苻秦九年復歸晉宋既代晉省西鄂博望

按永初郡國志有西鄂博

望雉何志無雉徐志無西鄂博望蓋永嘉中省之矣

齊因之明帝建武五年南陽

陷於魏魏始析置上陌復西鄂置西平於西鄂之西以

屬南陽郡

魏書地形志南陽郡有宛縣上陌縣隋志南陽縣舊日上陌地形志西鄂縣有張衡碑

西平有精山按元和郡縣志精山在縣西北二十七里

又置武川北雉魏書地形志北

雉在漢雉縣之北武川固古之武城也皆屬北涪郡而

武川爲郡治西魏蒙州亦治焉西魏又置雉陽郡於北

雉分西鄂置向城

元和郡縣志向城縣有西鄂故城又云魏孝文帝於古向城置向城縣

今按魏書地形志無向城縣蓋西魏時始置元和志偶誤耳

當是時魏他縣之名南

陽者九而宛之名猶不改周初併宛入上陌曰上宛隋

開皇中始省南陽郡改上宛曰南陽屬鄧州

隋書地理志於

是郡縣之制幾千年矣而南陽名縣始定隋又更涅陽

曰課陽北涪郡曰涪陽郡置涪州大業三年復改鄧州

爲南陽郡郡治穰南陽向城課陽皆隸焉其後涪陽郡

廢併武川入向城

隋書地理志

唐旣平朱粲定南陽武

德三年以南陽及春陵之上馬置宛州并置雲陽上宛

安固三縣並寄治宛城

新唐書地理志

又置涪州於向

城八年

一統志作貞觀八年

州並廢以上馬隸唐州省雲陽上

宛以安固入南陽屬鄧州而以向城隸北澧州貞觀九

年北澧州廢向城屬鄧州蓋元魏僑置增析之縣至是

省併畧盡矣而南陽縣疆域始大聖曆元年改南陽曰

武臺向城曰武清神龍初悉復舊名

新唐書地理志

至德二載

沒於安祿山其後黃巢之亂朱溫陷南陽皆未幾復歸

於唐及溫篡唐南陽入梁屬宣化軍

按新五代史梁破趙匡凝分鄧州置

宣化軍

後唐屬威勝周曰武勝周又省向城入南陽

新五代史

職方志

宋初屬鄧州

宋史地理志慶曆四年廢方城爲方城紹

興十一年割以畀金金之季置申州於南陽屬南京路

元至元八年升爲南陽府自是南陽爲倚郭邑明洪武

十一年省鎮平入南陽已復置鎮平成化十二年析南

陽置南召 國朝順治十六年省南召入南陽雍正十

二年復置南召於是漢西鄂雉元魏武川向城北雉西平皆與南召共之舊時漢涅陽安衆隋之課陽又皆與鄧鎮平共之而南陽地所有古今勝蹟實甲於他邑蓋歷代沿革之大略如此



藩封表

南陽之有藩封尚矣自申呂建國歷唐虞三代千有五
六百歲而後滅於楚秦廢封建然昭王十六年嘗封公

子市於宛

史記秦本紀

二十一年涇陽君封宛

史記秦本紀

皆在

置南陽郡前已歸爲重藩矣蓋縣旣大郡之都

史記漢本紀

三方都會

史記貨殖傳張衡南都賦

古形勝之國

宋虞允文奏議

天下有事

嘗倚以爲重故封建尤繁云舊志藩封無表所紀明唐

王事或失其名謚今依史例補爲斯表始漢迄明凡實

封在今縣者略備其封南陽而爲郡王或郡公旣兼郡

非縣所得專者不錄

兩漢 三國 晉 宋 齊 梁 魏 齊 周 隋 唐五代 宋 金元

杜衍侯王

高帝七年

以擊斬項

羽封十八

并苑證嚴

共侯福嗣

七年壽侯

七年壽侯

侯市臣嗣

舍嗣二十

四年有罪

免景帝後

元年以

子野人

紹封十年

免侯定國

有罪 十二年

渥陽侯呂

騰

高帝七年

以善斬項

羽封二十

明 唐 王 樞

太祖弟二

武三子洪

六年封承

南陽十三

年壽證嚴

樂子瑄元

年壽侯

無子弟

年宣德

年成化

年憲成

芝世子

成化

年以

王嗣

莊子

年嗣

文無年嗣以莊一王年成廢芝益十年烟無年嗣樂子瑄元 城子德弟 王以善斬項 羽封二十 年壽侯 年壽侯 侯市臣嗣 舍嗣二十 四年有罪 免景帝後 元年以 子野人 紹封十年 免侯定國 有罪 十二年 渥陽侯呂 騰 高帝七年 以善斬項 羽封二十 五年壽侯

嚴子威實
以非禱子
不得代

呂城侯呂

忿

高后元年
以皇太后
兄弟子封
八年反誅

安衆侯劉

丹

武帝元朔
四年以長

沙定王子

封三十年

慶謨侯師

侯山附嗣

三十八年

燕姬侯毋

妨嗣母幼

燕侯襄嗣

<p>錯子字溫 嗣昭顯第 王二十九 年薨諡宣 子南孫嗣 四十三 年薨諡順 宗 顯五年薨 諡顯世子 壽死以世 孫世嗣 追封諡 爲惠昭王 九年秋上 陵以爲 顯人景 鳳陽以其 弟非鏞嗣 自十四年 李 陽平鎮南 書 顯</p>														

安衆劉安衆劉
喬 湛

惠帝永康晉季
元年封後伯文
封

沒於石勒宋受
禪如

又有安故文帝
元

顯男劉讀嘉十
七年

賜封年以事
辭

南易系志

卷一 藩封表

從父弟
紹封十三

年侯

林嗣

騫

博望侯張

武帝元朔

六年以使

節城知水

草封元狩

六年有

罪免

最

涅陽侯路

武帝元封

三年以父

朝封初降

漢封太初

元年薨益

除

博望侯許

錡

宣帝元康

二年以皇

太子外祖

父同庶弟

封四年薨

諡頃康侯

威嗣八年

魯於侯黨

昭二十六

年薨燹侯

並薨薨亡

後元廷二

年以並弟

報子緡封

千戶王

禁敗絕

宛王劉賜

更始元年

封建武二

年改封

慎侯

育陽安樂安樂鄉侯

鄉侯胡廣華歆

桓帝建和黃初元年

元年以定封明帝即

策功封延位進封增

熹二年奪平侯

爵九年復

封卒諡文

恭

有且勿孫志

宋

藩封表

十

育陽侯邵育陽侯 育陽公

秉權

延熹七年黃初三年
以皇后兄封延熹三
子封八年漢靈景
年免子世嗣也

育陽侯曹 國除

節

靈帝建甯
元年封熹
平四年
年死

東武亭侯

鍾繇

建安元年
以尚書從

封帝

西鄂都鄉

侯呂

建安時以
感亭侯

封七
百戶

育陽公

西鄂侯羅

憲

武帝孫始
六年封

安衆侯蕭

名閔

建安九年

以高祖功臣後

封

安侯曹據

建安二十二年以范陽侯徙封

漢既定天下復封建高帝封杜衍侯王翥

漢書 按項羽本紀作王

驍騎

涅陽侯呂騰

史記功臣表

高后又封呂城侯呂忿呂城故

呂國也

水經注

按史記惠景閒侯者表作呂成

在宛西武帝析宛置安衆

侯長沙定王子丹

史記王子侯表

既又以博望侯張騫

史記建元以來

侯者表

騫後失國而涅陽前絕元封中帝封路最爲涅陽

侯

史記建元以來侯者表

宣帝又以博望封許商

漢書外戚恩澤侯表

於是

漢所置侯五國皆在今南陽縣境及王莽柄政漢諸侯

多前失國存者惟博望安衆莽居攝二年安衆侯劉崇

舉兵討莽爲莽所滅安衆絕

漢書王子侯表

莽於是分杜衍干

戶封崇族父嘉爲師禮侯

漢書王莽傳爲名號侯表故不詳

按師禮是時

莽方畏漢宗室多所誅除而光武卒以宗室子起宛復

漢舊罷莽所封降宛王賜爲慎侯

後漢書宗室四王傳

而以崇弟

寵

卓茂傳作宣

紹封安衆

漢書王子侯表

賜故更始之所立也其後

桓帝析育陽安樂鄉侯胡廣

後漢書胡廣傳

以育陽侯鄧秉

後漢

書孝桓鄧皇后傳

秉免靈帝又以封曹節

後漢書宦者傳

節故

按秉一作庾

節故

宦者其封也以害陳竇名器濫漢業衰矣初順帝封劉

沛

後漢書

爲南陽侯及獻帝建安五年又以封皇太子馮

後漢書

然漢南陽不爲縣王亦不之國建安時又封東

武亭侯鍾繇安衆侯蕭

闕名

西鄂都鄉侯呂

闕名

及宛侯曹

據

後漢書

據魏太祖操子也魏世有安樂鄉侯華歆

志華歆傳

育陽侯黃權

三國志黃權傳

晉有西鄂侯羅憲

晉書

華

安衆男劉喬

晉書劉喬傳

育陽博望皆爲公

晉書

而武

帝子東

晉書秦王東傳

王南陽東後徙秦又以南陽封司馬模

晉書南陽王模傳

當是時晉亂王不之國南陽亦不爲縣宋初

封劉湛

南史劉湛傳

爲安衆男齊魏無封隋始置南陽縣唐

同陽系

藩封表

封來濟爲縣男

新唐書來濟傳

已又爲侯亦不之封蓋自是迄

宋元諸封南陽雖開國食戶若鄭久中

金石萃編

者皆無復

實封矣明初太祖封子極爲唐王

明史諸王傳

王南陽永樂

八年就國王爲人敏而易王二十三年薨子瓊煙立是

爲靖王

名山藏

王綜核有矩矱

明史

嗣爵年十九以才氣卓

犖甚爲文皇所禮

圖書集成禮引藩獻記

永樂二十一年入朝五日

三召見

明史

王六年薨

名山藏

選妃高氏郊縣高盤女未婚

聞之遂自經詔封靖王妃賜祭治喪合葬紫山

圖書集成引藩

獻記

弟瓊烜立是爲憲王王四十八年薨臨終善誨諸子

爲詩永訣子芝址立是爲莊王王孝事父母被服儒行

名山 弟承休王芝垠一作垠者憲王繼妃焦氏子也如愛

之遇節旦召樂婦入宮戲笑王詰之語不遜焦怒持鐵

槌擊宮門芝址閉不敢出妃弟璟誣王晉繼母按驗不

實得芝垠慢母詈兄狀革其爵久之始復明史莊王立十

一年薨子彌錡嗣是爲成王名山王肆力經史篤行誼

工詩繪被服儒素圖書集成引明外史藩獻記屏几書訓言諸宗有

飾裘馬買名姝者憎之若浼名山廣置精廬集國中俊

秀子弟資給之俾肄業又闢養正書院秦陵頒五經子

史資之靜志居詩話暇則日與文士觴詠名山聯句藏春之

塢開講保和之堂靜志居詩話士大夫道南陽者無不求見

王孝宗朝奏朝廷待親藩生爵沒謚親親至矣間有惡

未敗聞沒獲美謚

明史

魯荒秦愍殆盤明初

名山藏

是使善

者怠惡者肆也自今宜勘實用寓彰瘝

明史

禮部議從之

請降敕獎諭徧布諸王詔可

名山藏

武帝喜遊幸彌錦作

憂國詩八章以諷且上疏以用賢圖治為言

明史

晚號古

心老人

舊志

王三十五年薨亡子愛弟文城王子字溫賢

立為嗣是為敬王肅帝十八年王以賢孝旌

名山藏

是年

帝幸承天道南陽王迎賜宴有加

明史編

二十一年

明史獻

黃金千白金萬助修太廟工賜玉帶益祿歲二百石王

三十六年薨子宙祿立是為順王

名山藏

王三年薨是時

王子碩熿幼未封而敬王妃奏請暫令郾城王攝府事

部臣高拱議不可乃立碩熿爲世子高文襄遺書是爲端王

王惑於嬖人囚世子器盞及其子聿鍵一作鍵於承奉司

器盞中毒死明史諸王表碩熿因欲並廢聿鍵以守道陳奇

瑜言乃立聿鍵爲世孫見明史陳奇瑜傳崇禎五年碩熿薨聿

鍵嗣明史初明太祖旣擬親王世系各二十字字爲一世

唐府曰瓊芝彌宇宙碩器聿琳琚啟齡蒙頌體嘉厯協銘圖世以嫡長襲而封諸子

爲郡王親王歲祿萬石府置官屬護衛萬人備非常寃

服車旗邸第下天子一等郡王皆居同城不之封成化中封

伊王子爲西鄂王亦然故南陽城中邸第相望將軍中尉百數宗

室半居民

新野王瓊擇一作定王庶二子宣德三年封正統元年薨諡悼懷嫡長子恭簡王芝城嗣王

有繼妃曰邢太妃善爲王持家成化十一年王薨嫡一

子宣懿王彌錫嗣宏治十一年薨嫡一子榮僖王宇滬

嗣嘉靖三十二年薨嫡一子康靖王宙枕嗣隆慶六年

薨長子碩烜未襲卒庶二子碩燦萬厯六年襲封薨庶

一子器炯嗣四十二年以父碩燦弟冒兄降封輔國將

軍四十六年碩燦庶四子請嗣郡爵例封奉國將軍奉

祀國除有宗室三城王芝堦憲王庶三子成化七年

封王博通羣書尤嗜繪事法書名畫未嘗一日去手弘

治二年敕賜五經四書正德六年薨諡康穆無子以蕩

陰王子鎮國將軍彌鑿奉王祀國除新城王芝坦憲

王庶四子成化九年封宏治十三年坐炮烙刑人子彌

鏡助虐國除承休王芝根憲王庶五子成化七年封

王憲王繼妃焦氏出妃愛之每入宮母子坐食不爲禮

遇節旦召樂婦入戲笑莊王啟焦欲責之焦不問王值

其出宮召詰之語不遜王忿觸之芝根詈王箠王之侍

從母焦怒持鐵槌槌王門王閉不敢出妃弟璟遂與芝

根誣王毆罵繼母意圖不軌王亦奏芝根淫亂事芝根
坐革爵時憲宗二十年也宏治七年復之正德十五年

薨諡榮和庶一子昭毅王彌鏞嗣鏞鏞性警敏絕人喜
儒雅而善決斷以父與莊王交訐失合名乃折節蓋愆
嘗彙古法書名畫著存齋樂府復齋錄十餘卷嗣爵不
改布素嘉靖二十一年唐敬王以其行誼上聞世宗鑿
書褒美未至而卒葬之日牽紼號泣者數千人嫡一子
安僖王宇淵嗣萬厯十四年薨嫡一子宙枝嘉靖二十
四年封爲長子好學識典故著皇明統宗繩螯錄十二
卷言藩事頗詳萬厯五年卒以子碩燦嗣爵追封王諡
端惠碩燦燦萬厯十八年封不詳其終蕩陰王芝垣憲
王庶子成化九年封王好學有令譽與三城並稱正德
十六年薨諡昭安嫡一子端肅王彌鏞嗣偶儻好文雅
敬禮名賢不問家人生產襲爵三十餘年深自琢磨一
無豪侈之習而性樂施予常自食貧嘉靖三十五年薨
薨之日僅能周斂榷中無餘玉帛嫡一子宇澄甚賢嘉
靖六年封長子十九年卒以子宙榮襲封追封王諡悼
懷宙榮嘉靖三十八年襲封萬厯十九年薨諡榮簡無
子國除有宗室 浙陽王彌鏗莊王庶一子成化十五
年封正德六年薨諡溫僖無子國除 文城王彌鏞莊
王庶三子穎哲儉素博學善詩賦書隸廣置園圃亭榭
以延賓客士大夫過南陽皆造門求見莊王最愛之王

及母妃卒奉殯徒步數十里哀號不絕撫弟鄆城王衛
 輝王皆得其歡心與成王友愛尤篤正德十一年薨諡
 恭靖後以子宇溫嗣唐封追諡王爲唐恭王郡爵除有
 宗室 鄆城王彌銀莊王庶四子成化二十一年封嘉
 靖三十一年薨諡恭端長子宇清不及封卒以子宙桃
 襲追封王諡昭憲宙桃嘉靖二十五年封二十七年薨
 諡榮康無子國除有宗室 衛輝王彌鏞莊王庶五子
 成化二十一年封嘉靖二十六年薨諡恭懿嫡一子端
 順王宇漳嗣嘉靖四十一年薨庶一子鎮國將軍宙桐
 前卒以子碩煥襲封追封王諡榮昭碩煥四十二年襲
 封四十五年薨諡溫僖無子國除有宗室 福山王器
 煥端王庶五子萬厯二十五年封薨 清源王器埏端
 于庶六子萬厯二十五年封逾年薨無子國除 安
 陽王器竣端王庶七子二十七年封薨 寶慶王器增
 端王庶八子三十一年封薨 永興王器培端王庶九
 子三十七年封三十八年薨無子國除 永壽王器圻
 端王庶十子三十七年封薨 德安王器鼎端王庶十
 一子四十二年封薨 以上七王闕諡又湘安王闕名

既逸樂無事賢者務詩酒爲名高
 新野王曾孫鎮國中尉碩爨博雅慷慨勤

學工文與其子輔國中尉器封不肖者豪奪民田淫掠

並以文章名海內號南陽公子自恣其後稍裁抑以法諸王既封不得再入朝出其王

城必請護衛不置亡繇臣一切吏民爲王官者不得復

任天子吏諸王衣租食稅比君有庠生齒日繁邸祿歲

窘浮繫一城仰口待哺有司又多爲厲禁幸其觸犯削

奪幾得省祿之利於是裨王莫知南面之尊支子更起

齊民之慕蓋至聿鍵受封時已搖手觸禁矣節明史緩

崇禎七年流賊大熾聿鍵蠲金修南陽城明史知府陳振

豪弗授功又與王因他事齟齬王以爲言帝震怒逮振

豪下之理王請以陳永福爲嵩將緩寇又援潞藩例乞

增兵三千人不許

明史

八年冬賊再犯南陽王奏曰臣有

莊田數百頃爲朝廷恩賜及臣祖父之所封殖以十月

十一月之交賊燔燒聚落略盡守舍輔國將軍碩煜遇

害其母梅夫人重創死賊往來瓦屋石橋臣祖墳圍咫尺

繫臣心腑旦夕靡甯南陽恃鄙而不警備臣出私財

蓄火藥布渠荅賊是以避弗犯而焚我郊保今七月不

雨二麥未藝臣鄉沈家沖饑民揭竿有平林下杜之志

可爲寒心又曰臣府護衛千二百人近制以其半爲汴

梁班軍番直給撫臣以下繇使甚無謂也惟明詔念臣

困阨以全軍見還臣得賴國恩周廬擊柝遠斥埃無恐

詔報之曰南陽班軍番直祖宗朝定制已久朕不敢變
諸可以爲王捍禦者不愛於王先是懷宗命廷臣議授
宗室子孫爲中朝官者得以其階換廷議不可禮部侍
郎陳子壯論尤力各藩弗敢爭而唐王獨貽書子壯相
駁難王素辨博喜文詞其書稱說典訓援據經傳皆有
本廷臣顧弗及知特以諸侯厲蠶氣持異同爲足畏而

已

日知錄唐王作書述閣老于文定之言曰唐元宗十

王宅百孫院皆在京師凡有所請皆賂韓璣而後得
憲宗諸王久不出閣亦必厚賂宦官始得所請彼以宗
室近屬且聚居都邑猶不免於夤緣況以千里外之藩
封二百年之支屬有不納結左右以爲倚託哉嗚呼文
定之言納結左右而得請猶未褻也今之懇乞下僚卑
哀吏胥不如是則終不得請不愈甚乎又曰漢
臣之言日有白頭老人教臣言嗚呼余繼之矣尋懷宗

惡子壯疏詞強諫下之獄衆口惜子壯者輒以尤王王亦浸驕薄公卿爲不足重南陽旣寇衝八年後彌甚王嘗望烽火接天思海內且大亂終日守空宮對僕隸拊髀太息曰安能鬱鬱效龐涓死此下乎中州督撫大臣見諸藩各以輕重逼寇患戰守事皆聽將吏所爲而南陽日陳兵自衛得材武稱然王血氣方剛恣自用又不能恤其宗人過浸淫上聞非真有淮南濟北之心伍被

開章之計也

綬寇紀略

初永壽王器圻奏王陰事詔御史曾

倜馳驛往勘無實免

國朝陸耀作陳振豪傳云倜下道府議守道涂紹奎云按法宜削

除振豪曰王所奏屬曖昧輒搖動三百年藩封非皇上親親意遂寢王德振豪實金一器以賜振豪辭王

典仗呂調陽者姦步軍妻殺其夫投井中事覺御史下
府驗治皆實擬辟未決知府振豪以匿王助工金逮下
獄王又匿呂調陽罪狀奏振豪辱王官紊規儀懷宗爲
降振豪三級陳子壯薛觀國皆疏救不報而朝臣忌王
益甚

見鐵莊文集

懷宗旣撓羣下重骨肉漸聞諸王怙恩德

驕盈不自檢東南陽要害地而王建請轉廣書辭不遜
順失藩臣禮傾側擾攘之際恐有赤眉樊崇平陵方望
註誤王以成狂狡之謀意不能無纖芥

綬寇紀略

九年秋八

月京師戒嚴

明史

王請提兵入援疏發遂行將至開封

見綬

冠紀略

明外史 詔切責勒還國事定下部議

明史

廷臣輒文致其

罪乃下詔廢爲庶人

綴寇紀略

幽之鳳陽弟聿鎮嗣十四年

李自成陷南陽聿鎮遇害

明史

國除是時唐藩湘安王尚

在詔令附近州縣居住唐裕王妃張氏顛沛居襄陽有

詔撫按官護衛供膳俟修整府第迎養舊邸

綴寇紀略

十七

年京師陷福王由崧立於南京乃赦聿鎮出

大清

順治二年五月聿鎮至杭州稱監國閏六月丁未遂立

於福州號隆武

明史

封其弟聿鏞爲唐王明年八月至汀

州大兵奄至從官奔散與妃曾氏俱被執妃至九瀧投

水死聿鏞死於福州

明史

按史表闕聿鎮事茲從諸王傳

是年十一月

聿鏞自立於廣州踰月

王師至被執死

通鑑輯覽明史蘇觀生

傳聿鏹被獲饋之食不受曰我若受汝
一勺水何以見先人地下投纆而絕
最南陽藩封莫

衆於漢莫強於晉而傳九世十一王享國幾三百年亦

莫久於明之唐王然卒無救於其國之亡詩言价人維

藩書曰以藩王室國雖大顧不重得其人哉
按唐王

事諸書皆同惟烈皇小識謂王以父寃故極殺
其世叔兩郡王事聞發入高墻殆傳聞異辭云

南陽縣志卷二

疆域

周官形方氏掌正封疆而保章氏以星土辨九州之地
至山師川師原師又專專於其名物利害下至冢墓皆
有度數圖禁而地官之屬尤重上宜自宮室至衣服皆
以本俗安之蓋先王之爲萬民計至纖至悉也南陽壯
縣雖華離之地今非昔比然其山川風土皆古昔聖人
所嘗疆理而平治之者遺跡猶多不可闕也謹繼圖表
列敘典文曰星野曰山川曰古蹟曰風俗曰物產以備
職方氏之採

南陽於天文其星屬張鷄火之次一曰角亢氏壽星之

次

新唐書天文志柳七星張鷄火也得新鄭密縣至外方斜至方城抵桐柏北自宛葉南暨漢盡漢南陽之

地

明史天文志柳四星至張十五度鷄火之次南陽

府

鄧汝裕三州汝寧府之信陽羅山二縣陝西華州之

洛

南縣湖廣襄陽府之均州光化縣皆張分按史記

韓

地角亢氏之分野壽星之次韓分晉得南陽郡及潁

川

父城諸縣東接汝南西接引農晉書天文志南陽

人

翼六度諸說不同而後漢書載王莽地皇三年有星

孛

於張東南行其占爲周楚地將有兵亂四年正月光

武

會新市平林兵下南陽斬阜賜大破尋邑於昆陽上

應

天象則南陽分野屬張

可

定舊志本之今仍舊 近測準 京師北極出地高

四十度南陽北極出地高三十三度六分 京師夏至

日出寅正二刻五分日入戌初一刻十分南陽夏至日

出寅正三刻九分十二秒日入戌初初刻五分四十八

秒 京師冬至日出辰初一刻十分日入申正二刻五

分南陽冬至日出辰初初刻五分四十八秒日入申正

三刻九分十二秒其偏度在 京師西三度平每節氣

時刻加 京師十分有奇此其大較也 立春昏昴宿一

八分五十七秒旦大角偏西三度二十八分四十五秒

晝四十二刻一分四十秒夜五十三刻十三分二十秒

雨水昏五車大星偏東一度九分四十五秒旦貫索大

星偏東四度四十分二秒晝四十三刻十四分四秒夜

五十二刻五十六秒驚蟄昏井宿一偏東二十五分四

十二秒旦房宿一偏西十七分二十六秒春分昏南河

南星偏東一度五十七分二十四秒旦尾宿一偏東二

度五十分四十三秒晝四十八刻夜四十八刻清明昏

柳宿一偏西一度四十分二十七秒旦帝座偏西十四

分十六秒晝五十一刻一分夜四十五刻十四分穀雨昏

張宿一偏西一度四十分十九秒旦箕宿一偏東二

度三十三分五十四秒晝五十二刻五十六秒夜四十

三刻十四分四秒立夏昏翼宿一偏西三度五十一分
五十四秒旦織女大星偏東一度一分四秒晝五十三
刻十三分二十秒夜四十二刻一分四十秒小滿昏軫
宿一偏西四度二十二分四十一秒旦河鼓大星偏東
七度五十五分一十一秒晝五十五刻五分五十六秒
夜四十刻九分四秒芒種昏角宿一偏西五度五十一
分五十一秒旦牛宿一偏東二度二十三分二十二秒
晝五十六刻六分十二秒夜三十九刻八分四十八秒
夏至昏氏宿一偏西一度五十二分二秒旦虛宿一偏
東四度五十三分二秒晝五十六刻十一分三十六秒
夜三十九刻三分二十四秒小暑昏房宿一偏西十二
分三十秒旦危宿一偏西三度五十三分五十九秒晝
五十六刻六分十二秒夜三十九刻八分四十八秒大
暑昏尾宿一偏西十三分四十一秒旦室宿一偏西七
度五十八分五十五秒晝五十五刻五分五十六秒夜
四十刻九分四秒立秋昏帝座偏西五度三分三十秒
旦奎宿一偏東四十三分三秒晝五十三刻十三分二
十秒夜四十二刻一分四十分處暑昏箕宿一偏西二
度四十八分十六秒旦婁宿一偏西四度十二分三十
九秒晝五十二刻五十六秒夜四十三刻十四分四秒

白露昏斗宿一偏西二度十七分五十四秒旦昴宿一
偏東四度三十五分九秒晝五十分五十四秒旦昴宿一
十四分秋分昏河鼓三星偏東二度二十八分二秒晝四
旦畢宿一偏西二度三十八分二秒晝四十八分八刻
夜四十八刻參左肩偏寒露昏牛宿一偏東二度二秒晝
秒旦參左肩偏寒露昏牛宿一偏東二度二秒晝四十八
十四分夜五十分刻旦天狼偏西三度三十分七秒晝四
宿一偏西二度四十分秒夜五十分刻旦鬼宿一偏東五
分四十分秒晝四十分秒夜五十分刻旦鬼宿一偏東五
三分二十分秒晝四十分秒夜五十分刻旦鬼宿一偏東五
七分二十分秒晝四十分秒夜五十分刻旦鬼宿一偏東五
刻九分四十分秒晝四十分秒夜五十分刻旦鬼宿一偏東
一偏西六度三十分三秒晝四十分秒夜五十分刻旦鬼宿
十五分八秒晝三十分三秒晝三十分三秒晝三十分三秒
六分五十二秒晝三十分三秒晝三十分三秒晝三十分三
秒旦五帝座偏冬至昏土司空偏東二度八秒晝三十分三
三分二十四秒晝三十分三秒晝三十分三秒晝三十分三
昏婁宿一偏東三度四十分三秒旦軫宿一偏寒

西六度十八分十三秒晝三十九刻八分四十八秒夜
五十六刻六分十二秒大寒昏胃宿一偏西一度三十
五分三十四秒旦角宿一偏西三度二十分五十三
秒晝四十刻九分四秒夜五十五刻五分五十六秒縣
境疆域東西廣八十里南北袤一百三十里東至唐縣
界五十里西至鎮平界三十里南至新野界七十里北
至南召界六十里東南至唐縣界七十里西南至鄧州
界六十里東北至裕州界七十里西北至河南府嵩縣
界一百六十里一統志縣治附府郭東北至京師二千
一百四十里至河南布政使司六百一十里

其名山則有紫山在縣北二十五里一曰紫靈山

盛宏之

州記南陽郡城北有紫山水經注宛縣北有紫山
太平寰宇記南陽縣紫靈山在縣北二十五里其山低

小明一納志紫山在府
北二十五里一名紫靈山
山少石色紫梅溪出焉湯谷

在其左詳後其右麓有積石狀若餅鏃曰鏃山

自紫山東行十里頓起岡巒逆折而北突起成山橫絕

南北蜿蜒數里府志曰蒲山在縣北四十里無草木多美

石晶瑩似玉

蒲山東行二里曰豐山名勝志紫山又東北在縣北三

十八里北去向城故城三十二里元和郡縣志向城縣

里有石室產朱草府志相傳山有朱草東瀕清水是

有清冷之淵山海經豐山有獸焉其狀若蝮赤目赤喙

之常遊清冷之淵出入有光見則其國有大恐神耕父處

是知霜鳴其上多金其下多穀柞杻樞白帖引此云豐

山有鐘九耳霜降則鳴
文苑英華喬覃有霜鐘賦
金元好問豐山懷古云豐山一何高古屋蒼煙重開門
望吳楚鳥去天無窮迎山橫巨壑白水巨長虹川原鬱
佳氣自古南都雄炎精昔季與卧龍起隆中落落出奇
策言言揭孤忠時事有可論生晚恨不逢漢賊不兩立
大義皎日同吳人操等耳忍與分河潼奪操而與權何
以示至公一民漢遺黎尺地漢故封守民及守土天地
與相終不能禦寇讐顧以寇自攻既異鴻溝初又非列
國從一券損半產二祖窳汝容端本一已失孤唱誰當
從至今有遺恨廟柏號陰風舊聞清洽淵天籟如撞鐘
山經野人語誕幻欺孩童開元有亂階鹿飲溫泉宮黃
猿何爲者乃爾能嘯兇乾坤之大音久鬱理當通清霜
旦夕落仁爾驚羣孽又十日登豐山云十日登高發
興新豐山孤秀出塵氛邨墟帶晚鴉噪合林壑得霜煙
景分芳臭百年隨變滅短長千古只紛
紜詩成一嘆無人會白水悠悠入暮雲
山下舊有堰刻

類上多摩崖書然無明以上者

有遊豐山沈彤記

豐山南行十里曰蘘山一曰黃山山低小少石左瀕涓

水是多蕤荷能已蠱毒

明一統志昔有居民被蠱毒遇神女教食蕤荷毒愈故名

蒲山南行有積石曰鷄鳴山山產石炭

又南曰豫山在縣東北十五里本曰序山

潛夫論

一曰預

山又曰獨山

水經注清水又南逕預山東山上有神廟俗名之爲獨山也

金史南陽有預山

孤峯削立怪石瘦碧每天將雨雲氣起石罅覆山及半

須臾如注山出碧玉其上多蕨

太白集

其下有三十六陂

明一統志豫山在府東北十五里下有三十六陂漢名信臣東漢杜詩晉杜預作陂溉田民被其利遺址猶存

自紫山西南行十里曰精山在縣西北二十七里

後漢書注

精山在西鄂故城南

魏書地形志南陽郡西平縣有精山元和郡縣志南陽縣精山在縣西北二十七里

漢西鄉侯朱雋擊破黃巾於精山謂此也

山有浮圖

宋元符三年建

故一曰塔直山

又西南曰磨山在縣西北三十里山出青石可爲磨磴

明一統志又西二里曰羊山狀若伏羊又西南曰遮山入鎮平界

自紫山西北行百三十里曰騎立山本山海經倚帝之

山也山海經曰倚帝之山其上多玉其下多金有獸焉其狀如魃鼠白耳白喙名曰狙如見則其國有大

兵又東三十里曰鮠山鮠水出于其上潛於其中

多美堊其上多金其下多青曠循蜚紀倚帝氏都南

陽倚帝山綱目前編注南陽有倚帝之山新唐書吳筠傳筠居南陽倚帝山畢沅山海經枝刊謂騎倚

聲相近立則帝字之壤所一曰歧棘水經注涅水出涅謂靈湫卽鮠山鮠水也

形志西鄂又曰五朵金史武仙傳色埒至鄧州承制授縣有棘山又曰五朵宣差總領洪果薩哈爲五朵山一

帶行元帥府事一統志騎立山山勢昂聳狀如立騎
本名歧棘山音訛耳其上有五峯曰聖朵禪菴朵摩雲
朵嬌女朵高四百八十丈五峯秀立互南陽南名鎮平
啞女朵

三縣界

循山有道通洛汝

金史移刺蒲阿傳金兵發鄧州趨京師次五朵山下取鴟路北兵以三千

尾之且

山宜榭榷白菊之花其下多金其上有靈湫三

池是能興雲雨旱則雩焉

太平寰宇記騎立山有湫水三池每天旱於下池祈之上

中池不通人行

池側有神祠鎮平主之

自騎立山東行十里曰青山峭峯壁立石皆作油碧色

其北曰鐵朵山是產石青

隋書周法尙傳拜巴州刺史破三鴟叛蠻於鐵山卽此

其東曰大軍嶺養馬坪在焉

金史李汾傳武仙追嶺北獲汾鑰養馬坪卽此

入南名界其南逾灌河曰花山又南少東曰五泉山山

有泉五皆出山腹渟爲龍泓故名又東南曰郭大頂曰

牡丹塚山勢圓上又南爲分水嶺嶺南之水皆入潦其

北皆入灌又南迤東曰馬頭山又南曰黃草山其西曰
對紫山又南曰雙山騎立山南行踰九里嶺爲白草朵
一曰曹峰山統志一潦水之所出也山南行人其東曰蚌

山循分水嶺東行迤北有山若覆鐘曰金鐘山又東北

曰石門石脈橫互至此劃分行人出入儼闢重門石門

之北曰孟山北枕南名界皆騎立之支麓也自孟山西

循大軍嶺至騎立山水清奇竹林秀茂最爲縣境幽勝

自騎立山東北行涉清逾南名界爲雉衡山山界南陽

南名兩縣間本漢雉縣之衡山也一曰雅山今日橫山

澧水出焉東入裕州界

山海經曰雅山澧水出焉漢書雉縣衡山澧水所出馬融廣

成頌面據衡陰注在今鄧州向城縣北隋水經注澧水
導源雉衡山又魯陽關水逕雉衡山隋書地理志武
川縣有雉衡山太平寰宇記廢向城縣有雉衡山
金史方城縣有衡山明史南陽縣有雉衡山名騁
志雉衡山在南陽縣北七十里明一統志雉衡山在
府東北七十里方輿紀要雉衡山在府北七十五里
通志同今按是山起南名丹霞迤邐東行橫互百里
至此而止澧水出其北雅水逕其西雅水卽魯陽關水
也與山經水經均合故畢沅洪亮吉皆謂山
在南陽縣境而許鴻磐謂在南召縣南也

循雉衡山東北行曰老主山在縣東北百八十里羣山
環拱巋爲主峯其北五里有山童禿曰和尚山其南曰
師子之嶺迤東曰茅山朵山勢繚互東界裕州北界魯
山西迤南界南召周遭百里孤懸異縣皆雉衡之支山
也

自孟山東行涉清逾南名爲九里山百重山之一也府志

作韓山高百七十丈在縣東北一百二十里界南陽南

名間其北少東爲黑山石皆黝黑其南曰炭山是產石

炭炭山東南行十里曰三賢山在縣東北九十里奇峯

參立鐵河出焉其南有山低小起尾曰蠶山其東曰烏

雲山山出美石宜硯東入裕州界

自黑山東北行五里曰鋸齒嶺北界南名又東曰唐佛

山山起南名丹霞迤邐東來亦雉衡支麓也山之西爲

銀洞嶺明時之廢礦也柳河出焉按明史成化中荆襄亂礦徒從之及事

平禁治銀洞礦遂廢府志銀洞陵在

自蒲山東北行逾清水曰沙山山在縣北五十里沙體

少石舊志謂爲北澁誤北澁在縣南也

詳北澁山

又東迤南曰隱山在縣東北四十里上有漢昭烈帝廟

帝禦夏后愷時自燒博望屯僞遁隱兵於此因名

明一統志

府志

循紫山南行爲翔鳳岡中陵岡上有明唐王墓

舊志

又南爲麒麟岡在縣西七里岡上舊有石麒麟故名

有岡

百里奚墓宋黃庭堅詩所謂不見石麒麟卽此明四六類編注南陽郡外有石麟夜祟一方武侯仗劍斬之

又南爲卧龍岡在縣西南七里岡起自紫山南踰清濱

其上有諸葛孔明草廬遺趾

明史地理志南陽縣有卧龍岡明一統志卧龍岡

在府西七里起自嵩山之南餘互數百里至此截然而
任回旋如巢然草廬在其內時人以孔明爲卧龍因號
其岡

云

又南曰北滌山一曰蔓荆山在縣南四十里沙體少石

左灑清水是產蔓荆子山跨南陽新野界互四十里蓋

漢宛與育陽之界也

漢書地理志宛縣南有北筮山育陽有南筮聚在東北水經注清

水之南舊有二滌所謂南滌北滌者水側之瀆今按
明一統志北滌山在府北二十五里舊志在縣北五十

里均

誤

自北滌山逾清水東行有阜曰鳳臺岡又東迤北曰馬

圈岡

在縣東三十里

又北居隱山又北曰煙整岡

在博望東五里

南陽

之山皆起西北東走而南折層巒百數不可盡名其最

知名者豐隱豫紫北澁然其大不及他山十一而他書

所載北華大胡白石武陽清冷寰宇記宛北晉書鄂刀劍錄諸

山胥在縣境今大湖入內鄉白石武陽入南召北華清

冷無考北華疑爲北澁之訛而宛北鄂非定名故不復詳著云

其名川則有清水出河南府嵩縣雙鷄嶺自南召縣皇路店南入

縣境左得炭山水出炭山西東南流逕沙山西左得鐵又南逕西

鄂故城東右得石橋河出南召境又南逕豐山東右得又

南逕龔山東左得白跳水又南逕豫山東播爲瓜里津

水經注清水又西爲瓜里津又西南逕南陽郡故城東

右得灘兒水又西南屈逕今縣城南右得梅溪又西南

左析爲溧水又西南屈逕今縣城南右得梅溪又西南

逕卧龍岡東

右得十二里河水

又南逕塚頭東

右得沐垢河水

又南逕

北瀝山東又南逕林水驛西又南屈逕育陽故城東又

南入新野界

南至湖北襄陽縣入漢

水本作育水

漢書地理志育水出弘農盧氏

南入一曰濟水

山海經攻離之山濟水出焉南流注於漢

又曰白水

元豐九水出弘農盧氏

清澈挾細沙善徙

水經濟水出弘農盧氏縣支離山東南過南陽西鄂縣西北又東南過宛

縣南又屈過清陽縣東又東南過新野縣酈道元注清水

逕博望故城東又西南逕西鄂故城東又南潁水注之

又南逕預山東又西南逕史定伯碑南又西為瓜里津

又西南逕蜀郡太守鄧義山墓南又南逕宛城東又屈

逕其縣南又南梅溪水注之

又南逕小長安又西南逕

清陽故城南又逕安樂郡北又南入新野縣

縣志清水東

出入縣境為諸水之所會

去縣三里

鐵河出三賢山東南流至尤橋入清水

洱水一名肆水河

水經注洱水出弘農郡盧氏縣之熊耳山東南流逕西鄂縣南水北有張

平子墓

又東南流注於清水世謂之肆水洱肆聲相近

非也

按洱水今日肆水又形誤也肆或作泗府志云

在府城北

自南召界東南流

石門諸山之

大縣境右得

五十里

水出紫

逕西鄂故城南

左得小洱水水出石橋鎮西

又東逕張平子

墓南

右得辜岡水水出紫山東辜家岡

又東南逕蒲山北大清水

西陽雜俎

固城臨洱

水洱水之北岸有五女墩

按水經注作沔南有固城北岸有五女激在山都故縣界洱水不能至

是酉陽雜俎蓋誤

黃渠河出紫山東東南流

有支渠東注清水

逕豫山東其流漸

大名灘兒河折而南逕釣魚臺右又南入清水

統志一

梅溪出紫山水有兩源一出山前明唐王墓左一出其

右源皆微弱或謂明世蓋錮之咸豐中知府顧嘉蘅鑿

山求源終不及泉而止水東南流數里而合又南逕明

承休王墓西又南屆城西永定門入濠環城而左會温

涼河入清水水既縣流挾沙自山屆城屈曲如畫故一

名萬彎河然河道時徙與水經注及他書言梅溪者小

異水經注梅溪出縣北紫山南流逕百里奚故宅又南

逕宛西呂城東又南逕杜衍縣東又竭爲安衆港又

南謂之石橋水又謂之女溪又南而左注清水隋書

菊潭縣有梅溪寶宇記引南雍州記南陽縣西北七

里有梅溪方輿紀要梅溪在府西二十里通志同
今按梅溪今道與諸書不合攷寰宇記所引蓋今之十
二里河也出紫山逕百里奚宅而不能至呂城紀要所
言今之沫垢河也逕呂城而不能會淫挹湍竭爲安衆
港能爲安衆港者獨潦河耳且宛西入清之水潦最大
無緣道元目驗反獨遺之故詳勘形勢折衷羣言當以

潦爲斷許鴻磐方輿考證謂善長所序梅谿卽潦河之上流蓋得之

温涼河

一名三里河

出紫山東南世傳水舊有泉經冬不冰

蓋湯谷之所瀉也東南流逕明文城王墓東又南逕明衛輝王墓西又南逕漢宗資墓西又東南逕故宛城西又南逕漢張仲景墓東又南循郭會梅溪入清水

十二里河出紫山西麓循魯家川南流

右得磨山水水出磨山東又

南逕國朝南陽鎮總兵張應祥墓西又南逕明南陽

衛指揮同知臧瑛墓東

右得羊山水水出羊山

又南逕卧龍岡西

又南居永固橋

右析爲新渠

又南逕明吏部侍郎方九功墓

東又南東入清水

沐垢河出羊山南南流逕明新野王墓西又南逕安衆

鎮東

左得礪石河水

又南東至塚頭入清水

礪石河

一作江石

出縣西十八里岡東石細碎如薑故

名水南逕茶菴西又南西入沐垢河

灌河一名排路河自安臯達南召之路也水出騎立山

左數源迸發合流於五泉山右又北流逕南河店東

左會

石板河水水出青山南

又北東入南召界

北至灌河口入清水

潦河出騎立山東南麓水有兩源一出白草朵爲西潦

河南東流逕鎮平杏花山東一出郭大頂南流逕安臯

鎮又南逕羊山西兩流并會爲三欄河

一統志潦河源有二一出南

陽縣西馬峙坪一出縣北曹峰山南俱合爲一經鎮平縣爲三欄河按曹峰疑卽郭大頂馬峙坪在內鄉界

疑志有誤又南逕安衆鎮西右析爲會渠又南逕明王文莊公墓

西左析爲線河又南入新野界南至馬河村入清水按圖書集成引鎮平志南至塚頭

入清水今塚頭南有故道俗謂乾潦河蓋河本古梅谿詳見梅谿水下國朝齊召南謂爲清水許鴻盤謂卽

均誤

涅水出歧棘山南鎮平界自涅陽故城北入縣境南流逕曲步口

又南入鄧州界南至棘灘入端

柳河出銀洞嶺右東南流會諸山泉水又東南逕柳河

鎮東鎮有自南召適裕州道金史恆山公武仙自聖朵襲方城兵敗於柳河卽此又東南入

裕州界曰趙河至袁店會趙河又東南至賒旗鎮西北入縣境

又東南會赭水入唐縣界

赭水出裕州赭山自賒旗鎮北入縣境東南流會趙河又南

入唐縣界南至會口注比水

清河出石鼓泉南源微無沙南流逕靈龜舖東又南逕

隱山東又東南逕高廟砦東會桐河

桐河北魏之洞川也出橋頭鎮有泉上出多蚌蛤秋夜

月明中網之輒得珠粒所謂宛珠也史記故一名珍珠泉

何昱有桐源記南流逕高廟砦會清池右得玉又東南入唐縣

界至桐河嘴入比水

白跳河一名白焦河出大石門西西南流逕博望鎮東

又西南逕隱山西

右得梅林鋪水出蝎子山北

又西南逕下向鋪南

又西南逕新店北亦曰官渠又西至沙堰營入清水

澗河一曰界河金時所濬唐鄧界濠也

金史出唐縣境

一

統志出周人陂

自金華鎮東入縣境西南流至迴龍寺南入新

野界

溧河自縣東馬渡堰口析清水爲支流南入新野界

注

水舊以灌軍民田今廢

水道提綱白河經府城東而南分爲二派其東流支津曰溧河

南經林水驛至郭家灘會唐河

舊志又有潭泉今省錄其可考者埒此

清泠澗在豐山

文選注引山海經郭注清泠水在舊西鄂縣山上陸德明引之作山下舊志

與陸同

按太平御覽作新野城北柴山上蓋誤

一作青令

呂氏春秋

又曰蒼嶺

高誘

呂氏春

淵一作泉

唐李太白集蓋唐避高祖諱改之

明一統志

豐山在南陽府東塔三十

山下有泉神耕父之所遊也

山海經詳豐山

或謂舜友北人無

擇嘗投馬

莊子舜以天下讓其友北人無擇北人無擇

之門不若是而已又欲以其辱行漫我吾羞見之因自

投清冷之淵

陸德明音義淵在南陽郡西鄂山下

真誥云務光今湮

舊志清冷淵在豐山趾今爲洧水所

於山頂耕父是游流光灑景黔首祀榮以弭灾眚

李

白有遊南陽清冷泉詩惜彼落日暮愛此寒泉清西輝

逐流水蕩漾遊子情空歌望明月曲盡長松聲

湯谷在縣北紫山左東西十五里南北二百步無所會

通冬夏長溫

文選注引盛宏之荊州記南陽郡城北有紫山紫山東有一水無所會通冬夏常溫

因名

水經注宛縣有紫山山東有一水東西十五里

谷今湮也

金龜潭在縣西南石橋水潭出靈龜色如金縷今湮

太平

寰宇記引郭仲產雍州記石橋水汙而爲池出靈龜色如金縷明一統志金龜潭在府城西南昔有於水側見一大龜長尺餘背有金線四足各躡一小龜而行因以名潭按水經注梅溪自杜衍南謂之石橋水則潭似在潦水之濱而縣東北七十里有靈龜鋪揆所由名則潭又似在鋪左右蓋瑤光未散莫定靈沼神物時出謹闕以俟

石鼓泉在烏雲山麓水細流挾沙南東流入裕州界

趙人

河

涼水泉在藉佛山南麓山有石左出空其下可十人坐水從石上倒注風梳溜散若拋亂珠下有澗深數尺狂

花敗葉滿澗中積久成石每遊山憇此盛夏猶寒水南

流入柳河

安眾港在城西南塌梅溪湍湟為之

水經注湟水又東南逕安眾縣塌而

為陂謂之安眾港魏太祖破張繡於是處與荀彧書曰繡遏吾歸師迫我死地蓋於二水之間以為沿涉之艱阻也又云梅溪逕杜衍東土地壑下湍谿是注

今廢

鐵塚潭在城西北鐵朶山下

府志按舊志又有洪堰潭三門潭在城北洧水小

堰潭老龍潭在城北鐵河今皆未詳

其古蹟則有呂城在縣西三十里

潛夫論宛西三十里有呂城水經注梅

谿文逕宛西呂城東

括地志故呂城在南陽縣西三十里

宋王應麟詩地理考曰司馬彪郡國志汝南新蔡有大

國今以左傳考之楚有申呂時新蔡屬蔡非楚邑當以在宛縣爲正明一統志呂城在府西三十里今名董

呂村

大清一統志呂城南陽縣西南三十里

按今縣西二十五里有董營或謂卽董呂村

申城在縣北三十里

漢書地理志宛縣故申伯國有屈申城潛夫論申城在宛北序山

之下

博物記宛有申亭

輿地志南陽縣北有申城

庶北

史記正義在鄧州南陽縣北三十里

方輿紀要在

一統志與紀要同

謝城在縣東

詩毛傳謝周之南國也唐孔穎達詩疏曰蓋申伯本國近謝宋朱文公詩集傳曰

謝在今鄧州南陽縣今按郡國志棘陽東北百里有

謝城漢棘陽在今縣南新野界其東北百里當在今南

陽唐縣界又按謝一作序潛夫論申城在南陽宛北序

山之故詩云疊疊申伯王薦之事于邑于序南國爲式

武城在縣北

春秋經傳集解武城在宛北

武延城在南陽縣北百里

城在府北春秋時楚受蔡侯降於此或謂武延城俗呼
西城其相近又有濠城俗呼東城大清一統志武城

在南陽縣北一名武延城春秋時申地後屬楚按太
平寰宇記引荊州記武延城北有白石山山悉白自遠

望之若層冰積雪照耀雲日今山在南召界又元
魏蒙州治武川延蓋川之轉聲濛或蒙之誤也

南陽郡故城在縣東北二里秦建漢曰南都鄭樵通志
陽為別都謂之南都按漢書食貨志王莽更名洛陽

邯鄲臨菑宛成都市長洛陽稱中餘四都各用東西南
北為稱則宛稱今惟存廢址一面漢書南陽守走保城

南都不始光武後漢書朱儁傳賊餘帥韓忠復據宛
周三十六里後漢書朱儁傳賊餘帥韓忠復據宛

乘城而入忠退保小城齊書魏主完引兵南攻宛克
其鄂水經注清水南逕宛城東其城故申伯之都大

城西南隅即古宛城也荊州刺史治故亦謂之荊州城
今南陽郡治大城括地志南陽縣故城在宛大城之

南隅其西南有二面皆故宛城李賢後漢書注宛縣
屬南陽郡故城今鄧州南陽縣也李吉甫元和郡縣
志鄧州南陽縣西南至州一百二十里隋冰凍法城三

里方輿紀要今郡城周六里有奇蓋元時所更置其

小城大城之基湮廢久矣按縣東北東嶽廟創土人

名古城口其東有阜起明遠頂迤北長數里皆古城基

漢張衡南都賦於顯樂都既麗且康陪京之南居漢

之陽割周楚之豐壤跨荆豫而爲疆體爽垲以間敞紛

郁郁其難詳爾其地勢則武關關其西桐柏揭其東流

滄浪而爲隍廓方城而爲墉湯谷漏其後洧水盪其胸

推淮引湍三方是通其寶利珍惟則金彩玉璞隋珠夜

光銅錫鉛錯諸聖流黃綠碧紫英青腹丹粟太一餘糧

中黃穀玉松子神陂赤靈解角耕父揚光於清冷之淵

游女弄珠於漢皋之曲其山則崆峒嶠嶠嶠嶠嶠嶠嶠

峇嶽嵬嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽

或豁爾而中絕鞠巍巍其隱天俯而觀乎雲霓若夫天

封大狐列仙之陬上平衍而曠蕩下蒙籠而崎嶇坂坻

截辟而成巘谿壑錯繆而盤紆芝房菌蠢生其隈玉膏

澑溢流其隅崑崙崑崙無以多閭風不能踰其木則檉松檉

櫻椶柏柎檀楓柎柎柎帝女之桑楸枒拼櫚挾柘憶檀

結根竦本垂條嬋媛布綠葉之萋萋敷華葉之蓂蓂元

雲合而重陰谷風起而增哀攢立叢駢青冥肝瞑沓藹

蒼鬱於谷底森尊尊而刺天虎豹黃熊遊其下穀獲稌

挺戲其巔鸞鷲鷓鴣雛翔其上騰後飛翮棲其間其竹則
鐘籠篔簹篠簞箴箴箠緣延坻坂澗澗漫陸離阿那翫茸風
靡雲披爾其川瀆則澗澗灤灤盡發源巖穴潛窟洞出沒
滑澣澣布濩漫汗漉沆洋溢總括趣欲箭馳風疾流湍
投澱粉汎輶軋長輸遠逝謬淚減汨其水蟲則有螻龜
鳴虵潛龍伏螭鱓縮鮪鱮龜鼈蛟蠃巨蚌函珠駁蝦委
蛇其陂澤則有鉗虛玉池赭陽東陂貯水滄洿巨望無
涯其草則有蔗苧蘋芡蔣蒲蒹葭藻茆菱芡芙蓉含華
從風發榮菲披芬葩其鳥則有鴛鴦鴝鶯鴻鴛鴦鴝鴦
鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣
流浸彼稻田溝澮脈連堤塍相輔朝雲不興而潢潦獨
臻決溲則曠爲漑爲陸冬稔夏穡隨時代熟其原野則
有桑漆麻苧菽麥稷黍百穀蕃庶翼翼與與若其園圃
則有蓼蕝蕝荷諸蔗薑薑橘蒟芋瓜迺有櫻梅山柿侯
桃梨栗棗棗若榴穰橙鄧橘其香草則有薜荔蕙若薇
蕪蓀長晚菘蔚蔚含芬吐芳若其厨膳則有華薌重秬
潢皋香杭歸雁鳴鷄黃稻鱸魚以爲灼藥酸甜滋味百
種千名春卵夏筍秋韭冬菁蘇葍紫薑拂微羶腥酒則
尤醞甘醴十旬兼清醪敷徑寸浮蟻若萍其甘不爽醉
而不醒及其糾宗緩族禴祠蒸嘗以速遠朋嘉賓是將

揖讓而升宴于蘭堂珍羞琅玕充溢圓方琢瑯狎獵金
銀琳琅侍者盡媚巾幘鮮明被服雜錯履躡華英儼才
齊敏受爵傳觴獻酬既交率禮無違彈琴撫籥流風徘徊
清角發徵聽者增哀客賦醉言歸主稱露未晞接歡
宴於日夜終愷樂之合儀於是暮春之禊元巳之辰方
軌齊軫祓于陽顏朱帷連網曜野映雲男女妓服駱驛
繽紛致餽程壘便紹便娟微眺流睇蛾眉連卷於是齊
僮唱兮列趙女坐南歌兮起鄭舞白鶴飛兮齒曳緒修
袖繚繞而滿庭羅襪躡蹠而容與翩翩結九秋之增傷怨西荆
墜而復舉翹遙遷延蹙躑躅而容與翩翩結九秋之增傷怨西荆
之折盤彈爭吹笙更爲新聲寡婦悲吟鷓鴣哀鳴坐者
悽愴蕩魂傷精於是羣士放逐馳乎沙場騷驥齊鑣黃
間機張足逸驚嚴鏃杵羣芒俯貫魴鱗仰落雙鶴魚不
及窟鳥不暇翔爾迺撫輕舟兮浮清池亂北渚兮揭南
涯汰瀟澗兮船容裔陽侯澆兮掩鳧鷖追水豹兮鞭蝸
蝓憚夔龍兮怖蛟螭於是日將速昏樂者未荒收歡命
駕分背迴塘車雷震而風厲馬鹿超而龍驤夕暮言歸
其樂難忘斯乃游觀之好耳日之娛未睹其美者焉足
稱舉夫南陽者眞所謂漢之舊都也遠世則劉后甘厥
龍醢視魯縣而來遷奉先帝而追孝立唐祀於堯山固

靈根於夏葉終三代而始蕃非純德之宏圖孰能揆而
處旃近則考侯思故匪居匪甯穢長沙之無樂歷江湘
而北征曜朱光於白水會九世而飛榮察茲邦之神偉
啟天心而寤靈於是宮室則有園廬舊宅隆崇崔嵬御
房穆以華麗連閣煥其相徽聖皇之所道遙靈祇之所
保綏章陵鬱以青葱清廟肅以微微皇祖歆而降福彌
萬祀而無衰帝王臧其擅美詠南音以願懷且其君子
弘懿明敞允恭溫良容止可則出言有章進退屈伸與
時抑揚方今天地之睢刺帝亂其政豺狼肆虐真人革
命之秋也爾其有謀臣武將皆能攫戾執猛破堅摧剛
排撻陷扁楚蹈成陽高祖階其塗光武攬其英是以關
門反距漢德久長及其去危乘安視人用遷周召之儔
據鼎足焉以庀王職縉紳之倫經綸訓典敷納以言是
以朝無闕政風列昭宣也於是乎鯁齒眉壽鮪背之叟
皤皤然被黃髮者喟然相與歌曰望翠華兮歲幾建太
常兮袞袞飛龍兮駸駸振和鸞兮京師總萬乘兮徘徊
徊按平路兮來歸豈不思天子南巡之辭者哉遂作頌
曰天子祖止焉光武起焉據彼河洛統四海焉本支百世
位天子焉永世克孝懷桑梓焉真人南巡睹舊里焉唐
李白南都行南都信佳麗武闕橫西關白水真人居萬

商羅鄆園高樓對紫陌甲第連青山此地多英豪
不然攀陶朱與五段名播天壤問麗華秀玉色漢女嬌
朱顏清歌過流雲豔舞有餘閒遨遊盛宛洛冠蓋隨風
還走馬紅陽城呼鷹白河灣誰識卧龍客長吟愁鬢斑

宛城在縣北舊郡城內

詳見上

杜衍故城在縣西南

水經注梅谿水又南逕杜衍東故城在西括地志杜衍侯故城在

南陽縣西南八里

後漢書注杜衍縣故城在今鄧州南

南一十三里

太平寰宇記南陽縣杜衍故城在今縣西

南一統方輿紀要

杜衍故城在府西南二十三里大清

始一統志與紀要同

今按水經注梅谿逕呂城東又南

縣西八里誤也

水經注又曰世祖章武三年上自宛遣

穎陽侯祭遵西擊鄧奉弟終破之於杜衍進兵涅陽既

云西擊則謂在縣南者亦非也

惟李賢謂在縣西南得

之蓋杜衍故城當在梅谿之西涅陽之東呂城之南安

北也

育陽故城在縣南六十里清水西故趾猶存

水經清水又屈南過

清陽縣東酈道元注曰逕其縣故城南

後漢書注育

陽故城在今鄧州南陽縣南在清水之陽

太平寰宇

志南陽縣育陽故城在今縣南清水之陽尚存

元一

統志今南陽縣西南有故城俗呼綠楊村古育陽城也

明一統志育陽城在府東方輿紀要清陽城在府

東清水之陽今按水經清水既過宛縣又南始過清

陽則漢清陽在宛之南無疑紀要乃謂後周并入武

川以魏之清陽郡當漢育陽邑南北互歧謬誤甚矣

涅陽故城在縣西南六十里

水經注涅水逕涅陽故城

鄧州穰縣東北六十里

太平寰宇記涅陽城漢爲縣

廢城尚存在涅水之陽

明一統志俗呼爲赤眉城

大清一統志涅陽故城在鎮平縣南

今按涅陽故城

今爲穰東鎮在涅水左去南陽鄧州各六十里南陽鄧

州鎮平分理焉赤眉城在今內鄉

界元志誤唐賈島有涅陽館詩

西鄂故城在縣北五十里石橋鎮南

水經清水過南陽西鄂縣西北酈道

元注清水又東南逕西鄂故城東潁水又逕西鄂縣南
魏書地形志南陽郡有西鄂縣清陽郡北雒縣有西
鄂城元初郡縣志西鄂故城在今鄧州向城縣南二十里
後漢書注西鄂縣故城在今鄧州向城縣南二十里
志西鄂城在府北五十里今按西鄂縣廢於蕭齊時
後魏始改置於古向城道元注經時縣已改置其曰故
城卽地形志之西鄂城也今關當在南召境其曰縣者
則地形志之西鄂縣元和志所謂故城也今縣北五十
里鄂城寺是其地矣

博望故城在縣東北六十里博望鎮

史記韓世家三晉之王朝齊王於博

望正義引括地志博望城在鄧州向城縣東南四十里

元和郡縣志博望故城在向城縣東南四十五里

元豐九域志南陽縣有博望鎮明一統志博望城在

府東北七十里方輿紀要博望故城在府東北六十

里今按唐向城在今縣北七十里其東南四十里卽

今博望鎮而水經注云清水又東南逕博望故城東郭

仲產曰在郡東北百二十里與括地志少異然今城東

北百二十里亦無名博望者惟漢書何武傳以犍東博

望鄉爲汜鄉侯國仲
產所指或謂是歟

安衆故城在縣西南

水經注湍水東南逕安衆故城南
後漢書注安衆在今南陽縣西

南舊有其名無復基址

元豐九域志南陽縣有安衆

鎮元一統志

安衆故城在南陽縣西南三十里金時

割屬鎮平

明一統志安衆城在府西南三十里大

清一統志安衆故城在鎮平縣東南舊志今縣西南

三十里有安衆鋪今按水經注湍水逕安衆故城又

南湍水注之則其城應在湍涅之間李賢謂爲無復基

址蓋不可攷矣又新出唐劉伏墓誌云葬南陽縣安衆

鄉誌得於縣西南之草店去今安衆鋪二十里而近是

今安衆鋪卽唐之安衆鄉宋之安

衆鎮元明一統志之安衆城也

向城故城在縣北七十里

元和郡縣志鄧州向城縣西

縣南三十二里太平寰宇記廢向城縣本漢西鄂縣

地後魏孝文帝拓定山南於今縣東四十里置向城縣

周顯德三年廢入臨瀨今又入穰縣輿地廣記西魏

向城唐屬鄧州省入南陽明一統志向城有二一在

府城東北臨向渠春秋時許國向邑之人遷此今爲村
聚一在府北六十里魏舊縣又郡國利病書一在府東
南臨向渠今按豐山在縣北三十八里又北三
二里爲皇路店在今南陽南召界蓋向城故址也

小長安城在縣南三十七里

續漢書郡國志有陽邑有
小長安漢兵爲甄阜所破

處水經注清水逕小長安

太平寰宇記小長安城
在縣南三十七里清水之東城周迴一里二百步

張問陶船山集自注以縣南
瓦店爲小長安今相承名之

三公城在縣南

水經注引郭仲產言宛城南三十里有
一城甚卑小相承名三公城漢時鄧禹

等歸鄉餞離處也盛宏之著荊州記以爲三公置
平寰宇記三公城卽鄧禹從光武有功後歸故鄉里人
筵餞於此禹爲太尉故城因名之

青臺城在縣東八十里

新唐書元和十二年李愬遣方
城鎮將李榮宗擊淮西青臺城

拔之元史平章郭祥

築青臺城以圖宋襄陽
一統志青臺城在唐縣北七

十里 今按縣東八十里

安樂鄉在縣南

後漢書胡廣傳封育陽安樂鄉侯水經注清水又逕安樂郡北漢桓帝建和

六年封司徒胡廣爲涪陽安樂鄉侯今於其國立樂宅成

按郡當作鄉六年當作元年

鄂鄉在縣南

說文鄂南陽育陽鄉也

安眾鄉在縣西南三十里

詳安眾故城 今按太平寰宇記南陽縣舊七鄉今三鄉

此蓋唐七鄉之一也

貴人鄉在縣南七十里

舊志貴人鄉在縣南七十里相傳爲光武故里今有碑 國朝

張問陶有光武故里詩

今按後漢書本紀光武南陽

蔡陽人注云在今隨州棗陽縣西南水經注沔水下洞

口水謂之白水水北有白水陂其陽有漢光武故宅基

址存焉所謂白水鄉也則此非帝故里矣帝紀又云

皇三年光武避吏新野因賣穀於宛陰后紀后隨家屬

徙育陽止鄧奉舍今此地界漢育陽新野兩縣間蓋帝

后之所嘗幸者也
后始封貴人故云

三戶里在縣南

會稽典錄范蠡本楚宛三戶人春秋文種爲宛令之三戶之里

吳越按三

戶一作彙伍戶越絕書范蠡其始居楚也生於宛橐伍戶之虛

當成里在古宛城

後漢書陰皇后紀更始元年六月納后於宛當城里元和郡縣志更始

卽位世祖納陰后並於宛城

上苑里在縣西南十五里

隋書地理志南陽舊曰上陌後周併宛縣更名上苑新

唐書地理志武德三年置

宛州領南陽上宛安固上馬

四縣八年州廢以上馬入唐州餘三縣入南陽新出

唐劉伏誥云葬南陽縣安眾鄉上苑里白水之西岡

今按苑宛苑古皆通淮南子高誘注苑讀如南陽宛縣

之宛路史武丁子封苑城爲苑侯今南陽宛也晉書十

六國春秋言宛者多作苑或作苑蓋以音同故得相假

也劉伏誥得於縣西南草店南去今縣城十五里

南遼聚在縣南

漢書地理志有南遼聚在東北

南就聚在縣南三十里

郡國志宛有南就聚水經注

所謂宛有南就聚者也余按清水左右舊有二遼所謂

南遼北遼者水側之瀆聚在清陽之東北考古準地則

近矣方輿考證南就聚即南遼聚按漢前志無南

就後志無南遼而以南就隸宛且不言所在今以酈注

考之蓋一地兩名有陽

之東北即宛之南也

夕陽聚在縣東北

郡國志宛有瓜里津夕陽聚東觀

復從擊鄧奉追至夕陽聚水經注清水又西爲瓜里

津水上有三梁謂之瓜里渡自宛道途東出赭陽西道

方城建武三年世祖自赭陽西入破虜將軍鄧奉怨漢

掠其鄉里拒瓜里上親搏戰降之夕陽下遂斬奉太

李寰宇記引隋圖經瓜里津卽清水上三梁通志夕

陽聚在府城西北四十里辨方志有曰柴籬者是也

方輿紀要夕陽聚卽今柴里在府西北今按西北富

云東北柴里保明初設清水卽清水字之誤也聚蓋在

今三橋

渡西

東陽聚在縣西南

郡國志育陽有東陽聚朱祐破張成處

呂亭

元和姓纂呂炎帝姜姓之後虞夏之際封呂今南陽宛縣西呂亭是也詳上呂城

申亭

詳上申城

東武亭在縣北

郡國志宛有東武亭國朝惠棟後漢書補注東武亭春秋之武城也在宛北

詳上武城

野亭在縣北

說文野南陽西鄂亭

萬歲亭在縣北

蔡中郎集朱公叔墓碑云葬宛北萬歲亭之陽

永饒冶在縣南晉時置冶此地有令掌之後廢

一統志方輿

紀要同按晉書有永饒冶令空桐機

南陽縣志卷二疆域

三

摩陂營在縣北

三國志荊州兵攻西鄂城陷西鄂長杜襲遂收散眾徒至摩陂營

桓溫故壘在縣東北二十里清陽渡北

水經注清水又西爲瓜里津阻

橋卽桓溫故壘處溫以升平五年與范汪眾軍北討所營

來威屯在縣南十八里嚴廟元時置

有元來威屯令嚴公遺愛碑

瓦店在縣南六十里世傳爲古小長安

見張問陶驟車集注明將

軍鄧愈敗元兵於此

明史詳兵事

光武臺在城西北漢光武帝之所築也

明一統志金元好問光武臺

詩東南地上游荆楚兵四衝遊子十月來登高送長鴻當年赤帝孫提劍起蒿蓬一顧滢水斷再顧新都空雷霆萬萬古青天看飛龍巍然此遺臺落日荒煙重誰見經綸初指揮定羣雄白水日夜東石麟幾秋風空餘光武歎無復

雲臺功

讀書臺在縣北五十里西鄂故城西漢張平子讀書處

見太平御覽明一統志詳後張衡故宅

南巡臺在縣西三里魏文帝南巡時所築

三國志黃初三年帝自許

昌南征十一月辛丑行幸宛四年春正月築南巡臺于宛水經注宛城西三里有古臺高三丈餘文帝黃初

中南巡行所築也

釣魚臺府志云臺有二一在縣南父老云此臺爲清水壓勝自此臺廢而清水遂齧城東南郭矣一在城東北十五里

鳳雛臺在城北三十里紫山絕頂世傳爲漢龐士元舊居時稱士元爲鳳雛故名明萬厯中知府劉光祚創建

臺亭

有明大同巡撫
內鄉張悌記

看花臺在縣東北六十里博望鎮

舊志

今圯

拱辰臺在縣治東鄆城府街古鐘樓廢地也明嘉靖中

鄆城府鎮國將軍朱

名闕

改建

臺上有拱辰望雲字石刻
大皆徑尺又刻鎮國自撰

狄梁公望雲瞻帳賦及出
師陳情表皆鎮國自書

望仙臺在城西北濠外西濱梅溪舊志云臺爲舊城西

南隅明指揮郭雲割築今城遺兩角於外東南隅卽今

明遠頂也

舊志作
望鄉臺

明遠頂在城東北二里許古宛城隅也 國朝總兵張

應祥亭其上曰赤松更號曰定遠山鄧州彭而述爲之

記然無有從而名之者今其上有神廟

觀德亭在舊府學南射圃內正統十二年建

明一統志

今圯

燕居堂在城東六十里博望保元府尹莊文昭建以教

郡子弟

明一統志

教諭敬祖有記

舊志今圯

按舊志作燕石臺

敷教堂在縣東郭舊府學內明成化中建有陳恭愍公

選記

明一統志

今燬

石樓在縣北洹水之南今佚

水經注詳金石

石激在縣東北十五里釣魚臺側左濱清水今圯

明一統志

作石礮云在府城東三里清水環流爲一城之勝可以禦水患而障城郭其堅完石螿猶在前賢題詠甚多唐

李白有遊南陽白水登石激作

更始故壇在縣南清水上沙中漢淮陽王元卽位之壇

也今圯

後漢書劉元傳地皇四年二月辛巳設壇塲於清水上沙中陳兵大會更始卽帝位

水經注

清水南逕宛城東王莽地皇二年朱鮪等共於城南會諸將設壇燔燎立聖公爲天子於斯水上

更始故殿在古宛城內更始元年建今圯

水經注今南陽治大城其

東城內有舊殿基周二百步高八尺陞階皆砌以青石大城西北有殿基周百步高五尺蓋更始所築也

元和郡縣志更始卽位於宛城

百里大夫宅在縣西七里麒麟岡秦大夫百里奚故居

水經注梅溪又南逕百里奚故宅

太平御覽引荊州

記郡西七里梅溪故老傳云溪西有百里奚宅

明

一統志百里奚故宅在城西七里

范大夫宅在城南三公城側越大夫范蠡故居

水經注三公城

側有范蠡祠蠡宛人祠卽故宅也後漢末有范曾字子閔爲大將軍司馬討黃巾賊至此祠爲蠡立碑文勒可尋夏后湛之爲南陽又爲立廟焉舊志范蠡廟在城南三十里又云城南七十里岡頭村土人亦謂爲范蠡故里唐張蠟有經范蠡舊居詩國朝趙士麟有范少伯故居詩

伍子胥宅在縣南清陽城今有廟祀之

太平御覽引荆州記宛有伍子

胥宅

張平子宅在縣北五十里西鄂故城南漢河間相張衡

故居

元和郡縣志西鄂故城在向城縣南二十里張衡卽此縣人故宅餘址猶有明一統志張衡故宅

在府城北西鄂縣猶存城西舊有廟近廢唐鄭谷有題

二里有墓又有平子讀書臺俗只憑淫祀切多年平子固悠悠江煙日午無簫鼓直到如今詠四愁

宗叔都宅在縣東北二里故城內漢汝南太守宗資故

居

明一統志宗爲南陽名族世居於宛宅負縣郭一門仕宦至卿府者三十四人宋時有耕農得一甌瓦頂

上有宗氏千秋四篆字文

南陽縣郭舊志宗資宅在縣東北二里故城內

孔仲山宅在縣南三十里三公城西漢南海太守孔嵩

故居

水經注三公城西有孔嵩舊居

何大將軍宅在縣南三公城中漢大將軍何進故居

水經

注三公城中有

諸葛草廬在縣西南七里卧龍岡漢諸葛忠武侯故居

明一統志諸葛草廬在府西南七里

卧龍岡其下平如掌即孔明躬耕處

一曰諸葛菴元史

農鐵木爾屯於諸葛菴

明一統志諸葛井在城西七里

皇卧龍岡諸葛草廬前青石爲牀汲綆渠百十道數不能舊即廬爲祠唐李白讀諸葛武侯傳書懷贈長安崔

少府叔封昆季云漢道昔云季羣雄方

戰爭霸圖各未立割據資豪英赤伏起頽運卧龍得孔明當其南陽時隴畝躬自耕魚水三顧合風雲四海生武侯立岷蜀壯志吞成京何人先見許但有崔州平余亦草問人頗懷拯物情晚途值子玉華髮同衰榮託意在經濟結交爲弟兄毋令管與鮑千載獨知名許渾南陽道中云月斜孤館傍村行野店高低帶古城籬上曉花齋後落井邊秋葉社前生飢烏索哺隨雞叫乳犝慵歸望犢鳴荒草連天風動地不知誰學武侯耕汪遵詠南陽云陸困泥蟠未適從豈妨耕稼隱高蹤若非先主垂三顧誰識茅廬一卧龍胡曾詠南陽云世亂英賢百戰餘孔明方此樂耕鋤蜀王不自垂三顧爭得先生出草廬宋陳去非次南陽云今日東北雲景象何佳哉我馬且弗驅當有急雨來春寒欺客子滿意旗下杯百年耳類熱萬事首不回卧龍今何之有塚已半摧空遺喬木地薄墓雅徘徊懷古視落日愧我元大德中始爲廟非長才却憑破鞍去風林生七哀

元大德中始爲廟

王謙廟碑略云距南陽治城西七里而近有岡曰卧龍俗以爲武侯隱居之所前人卜地一區起屋四楹繪像而祠祀焉大德戊戌監郡奉直馬哈馬與少府朝列李君源輩一易而新之立象儀於中綸巾羽扇其容蕭然

足以起四海觀者之敬又割旁近田二百畝有奇以爲歲時香火之具 皇慶二年敕建諸

葛書院於祠東

有程鉅夫記詳學校

明嘉靖七年又敕興廟額祭

式碑

國朝屢葺之

馮偉重修卧龍岡諸葛廬記嘗讀古而至卧龍躬耕南陽昭烈三顧

其廬輒心焉嚮往慕其地而以不得一至爲悵然者匪朝伊夕矣辛卯冬余旅食京師廣陵楊公出鎮是邦以皇華許君爲媒羅而致之幕下挈來南陽越明年春王正月有四日值雪霽遂策蹇往遊焉余向慕夫南陽諸葛廬者意必邱壑幽深竹籬茅舍卧龍先生之流風餘韻猶有存者乃見靈旗遠颺殿角差峩丹扉洞敞固已爽然若失矣肅冠裳瞻拜遺像覓黃冠而問之黃冠曰三顧遺蹤無復存此地向有祠宇數椽傾圮敗壞不堪蔽風雨藩陽羅公來守茲土爲鳩工創舉廣大其殿宇飛輦其廟貌殆未數月耳殿後尙多隙地有古柏十餘株皆數百年物已建一草亭最後造層樓可以眺遠請往觀焉於是厯草亭登危樓憑高望遠穆然徒見山高而水長也黃冠曰觀止矣復數日郡守羅公請鎮臺往遊商所以經營而擴充之楊公曰此武侯隱居之地

也若徒廣其廊廡增其廟堂不盡失其本來面目歟樓
前隙地頗寬厥曷若積土爲山壘石成峯設曲廊置臺
榭爲南陽勝概可乎羅公曰善第似此經營須得一
道邱壑人顧安所得其人乎楊公遂以予爲言余謝不
敏強徇往城之西北隅爲前唐藩舊址有山石尙存荒
烟蔓草中爰檢取其什一駕牛車而運至其所工始之
日治平基址于土礫中得石碑五俱先輩題咏內有卧
龍岡十景題爲前藩唐王所首倡羅公喜曰此天欲興
此工也請卽以十景位置焉余曰唯唯爰是因其先創
草亭爲之一亭外置小橋爲小虹橋亭之東稍北爲古
相亭三面開窗牖護以闌干自東而北爲曲廊爲山梯
上舊所有高樓而遠觀焉樓之南自東而西西北蜿蜒
作土山正面疊石成峯爲梁父巖自西北而西南而西穿
一穴爲老龍洞上造一平臺曰半月臺樓之東南復作
一小山依古柏置石磴爲抱膝石樓之西北竹屏曲徑
草廬三間爲野雲菴樓之北密栽修竹竹逕逶迤至東
牆由月窟其外則平疇嘉禾繞屋秀實置一田舍爲躬
耕田其南造小殿一層爲三顧堂昭烈遺像位其中花
卉竹果密于內榆柳雜樹圍于外而卧龍岡之十景復
全遂成南陽名勝矣至若春和景明百物資生花香鳥

詭水秀山清夏則濃陰翦蔚白河如帶清風徐來披襟
稱快時而秋也楓葉霜酣烏鴉翔集雲樹奇觀冬凝素
雪一望無際千頃瓊瑤光涵萬里而四時風景爲之畢
備也時平歲豐政通人和案牘不繁公餘之暇郡守羅
公時邀與俱遊一日登樓望遠把酒臨風相與歷數古
跡廢興或至湮沒而不可考羅公愔然曰此亦荒烟蔓
草之墟也今則改觀矣安知異日不復變而爲荒烟蔓
草乎鎮臺楊公曰人生行樂耳富貴於我如浮雲又安
計夫身後之名耶然昔者東坡知杭州于西河築長堤
跨六橋迄今十景猶存烏知吾兩人去南陽後來賢者
修葺常新更擴充而廣大之未可知也總之不離瀋陽
羅公爲之創相與大笑各滿飲一大白屬余爲之記

岡臨通衢又重以侯故題詠繁富康熙中知府羅景圖

而輯之爲卧龍岡志今方謀續輯云按南陽有諸葛忠
武侯廬始見唐宋

人集至元明皆有敕賜廟學祭品碑而名益著或謂侯
實家襄陽南陽之祠非是考三國志亮隨其叔父依荆
州牧劉表是時表軍襄陽亮宅在襄陽爲信水經注謂
沔水逕亮舊宅是也然漢荊州八郡南陽居首襄陽西

爲鄧縣實隸南陽故侯自表謂躬耕南陽漢晉春秋亦謂亮家南陽之鄧縣在襄陽城西二十里以此推之南陽祀侯固宜歷代迄今築居以像之與隆中並稱於以見侯德感人之深而民愛之好之攸同前有所因舉莫敢廢況南陽於侯其名稱自昔爲著尤非他邑比哉今攷原本舊志列人流寓而附攷於此

樂彥輔宅在縣南范蠡祠南晉尙書令樂廣故居水經注引

郭仲產襄陽記南陽城南九十里有晉尙書令樂廣故宅今於其地立樂宅成太平御覽范蠡祠南有晉河南尹樂廣宅周圍十餘畝曩舊井未頽檀道濟置選其中

劉文龍宅在城西四十里太平寰宇記按文龍事實未詳通志云文龍內鄉人金

哀宗時狀元若然則非樂氏所記者矣

毛葫蘆義兵萬戶府在城北六十里元置元史順帝紀至正十三年

立南陽鄧州等處毛葫蘆義兵萬戶府募土人爲軍免其差役令防城自效因其鄉人自相團結號毛葫蘆軍

故以名之朵爾直班傳金商義兵以獸皮爲矢房如瓠
號毛葫蘆軍甚精銳 大學衍義補今唐鄧山居者以
毒藥漬矢以射獸應弦而倒謂之毛葫蘆
今城北五十里石橋鎮東有毛葫蘆莊

明唐王府在城西北隅洪武二十四年建明太祖子唐

在極之封也

明史地理志南陽縣洪武二十四年建唐王府在

北隅

國初改爲府學

詳府志

宮牆北有唐府石山螺旋中

通高出雉堞巋然獨存

明王鴻儒有唐府若虛齋記國朝臨洮道胡延年登唐藩舊

臺偶感云中原遍地角聲催將士宵奔城郭開玉馬東流沈漢鼎金戈倒指付秦灰牧童日落遙驅犢野雉朝

昏近繞臺兄弟剪桐嗟盛事不堪此日已蒿萊

新野王府在府治東北

明一統志

明唐定王子瓊煒故居今

燬

三城王府在城內明唐憲王子芝境故居今燬明王鴻

王進修書樓記曰唐國三城王殿下幼知嗜學長而不倦天性聰悟多所通解字畫得唐人筆意詩效盛唐畫兼取古今名家識者以爲臻妙品既而以遊戲翰墨可以陶情而不可以適道啟今國主爲請於朝得賜書數百卷建樓於宮殿之東以藏以繹仍立庭廡爲書院之規國主又爲上請詔扁曰進修書院樓則國主所題因賜扁也樓之高突兀城闕金碧丹雘炳耀半空四柱中樹萬栱外出重櫺複楣梯凡三折而後至其巔焉下不盈數丈而上可容百人蓋通國之所無也此皆出於殿下意匠經營羣工受成而已間命記於鴻儒不敢以不文辭竊惟古之爲高必有爲也或以宣湮鬱或以望氣視或以發感慨之思或以暢笑語之懷若魯公書雲於觀臺秦皇求仙於岱宗寄情雖異非無事也乃若殿下之爲高而登也則異於是矣疎簾清簟左圖右書延接儒生陳說禮義詠唐虞之遺風求孔顏之至樂致知而至於知化窮神力行而至於盡性知命此固殿下之意而豈緒餘之所可比哉殿下曰子之言善則善矣然未盡予懷也不嘗與子倚檻而北望乎崔巍龍嵒延而

西東者紫山也吾先憲王之幽宮實在於此予進修之
暇庶時一遙望以伸予思歟鴻儒敬惟殿下既建斯樓
以侈上賜將以肆志聖賢之書卽其嗜學固已出尋常
萬萬而又不忘先王時一寓目其墳墓焉凡書所言莫
先忠孝則殿下之進修也其諸異乎人之進修者歟鴻
儒旣服殿下之英達因謝不敏遂書其事於壁謹記

承休王府在府城東南隅

明一統志

明唐憲王子芝垠故居

今燬

蕩陰王府在城內長史司東

明一統志

明唐憲王子芝坻故

居今燬

文城王府在城東門內

明一統志

明唐莊王子彌鉗故居今

燬

鄆城王府在城西北

明一統志

明唐莊王子彌鉞故居今廢

居民猶名其府前爲鄆城府街

衛輝王府在府城東北隅

明一統志

明唐莊王子彌鉤故居

今燬又有舞陽新城潁昌浙陽諸王府今均廢燬無攷
王尙書宅在東門內府城隍廟東北明南京戶部尙書
鴻儒故居今燬

方侍郎宅在鄆城府街西明南京吏部侍郎九功故居

百里大夫墓在縣西七里麒麟岡

太平寰宇記五殺大夫百里奚墓在縣西

南七里有石碣存墓前有七星石

明一統志墓前有

七石俗呼七星塚有碑在墓左次碑陰刻唐韓賞詩

宋黃庭堅過百里大夫塚詩云客行感時節况復思古人何年一邱土不見石麒麟斷碑略可讀大夫身霸秦

虞公納垂棘將軍西問津安知五羊皮自鬻千金身未
世工媒孽浮言詭道眞幸逢孟軻賞不媿微子魂通

志百里奚仕秦而卒此非秦地安得葬此據水經注
梅谿水逕百里故宅與墓相近或者其父祖葬此也

王子朝墓在西鄂故城西

後漢書郡國志注引皇覽

漢南陽太守召信臣墓在縣東北

明一統志墓在南陽縣東北七十里故向

城西北湍水石堰上近有廟

通志在城東北四十里

一統志墓在南陽縣南

按信臣傳元始四年詔書

祀百辟卿士有益於民者九

江以召父應詔書歲時郡

二千石率官屬行禮奉祠信臣塚而南陽亦爲立祠依

傳所言則信臣墓在九江壽春南陽特爲更立祠耳明

志蓋誤一統志館臣不更正之又云在縣南殆別有據

謹錄以俟攷

漢河間相張衡墓在縣北五十里石橋鎮西南

漢崔瑗晉夏后

湛銘墓詳金石

水經注汧水又逕西鄂縣南水北有

張平子墓墓之東側瀆有平子碑

後漢書注向城縣

南有平子墓

明一統志墓在南陽縣界東北石橋保

唐駱賓王過張平子墓詩云西鄂該通理南陽擅德

音玉卮浮藻麗銅渾積思深忽懷今日昔非復昔時今日落豐碑暗風來古木吟惟歎窮泉下終鬱羨魚心

墓久埋明嘉靖中縣人周紀重封築之

葉珠記略曰先是朝廷下詔求

公之墓卒不可得歲癸亥春吾友周子紀者一夕夢偉

丈夫自稱爲衡且言其塚爲居人所侵託其復封以宅

幽靈遂與弟綱延訪父老得其遺址用價以歸其塚地

而修築之國朝劉青藜過張平子墓詩云炎正昔衰

微新都詭圖識奈何中興後亦爲邪說浸陋儒工附會

寵榮竊估賃幼季初莊言無口戲已甚少贛郊祠對遜

詞終不任君山頗切直非聖幾遭排獨有不子疏排詆

請糾禁狂瀾雖未息歧舌能無吟夙昔披遺文太息爲

斂衽茲來西鄂城墓門久停鞞古木號禿鶯陰雨吹短

鬢南望讀書臺依稀猶可認但恨子玉碑零落無從訊

漢益州刺史朱穆墓在縣北萬歲亭之陽

漢蔡邕朱公叔墓碑云維

漢二十一世延熹六年粵四月丁巳忠文公益州太守

朱君名穆字公叔卒於京師其五月丙申葬於宛邑北

萬歲亭之陽舊兆域之南其孤野受顧命曰古者不崇

墳不封墓祭服雖三年無不於寢今則易之吾不取也

爾其無拘於俗無忘予誠野欽率遺意不敢有違封墳
三板不起棟宇乃作祠堂於邑中南舊陽里備器鑄鼎
銘功載德懼墳封彌久夷於平壤於是依德像緣雅則
設茲方石鎮表靈域用慰其孤罔極之懷乃申詞曰歆
惟忠文時惟朱父實天生德不承洪緒彌綸典術允迪
聖矩好是貞厲疾彼強禦斷剛若仇柔亦不茹仍用明
夷邁難受侮帝曰休哉朕嘉乃功命汝納言允汝祖蹤
父拜稽首翼翼惟恭篤棊不忘夙夜在公昊天不弔降
茲殘殃不遺一父俾屏我皇我皇悼心錫詔孔傷位以
益州贈之服章用刊彝器宣昭遺光子孫孫永載寶

漢河內太守宗均墓在縣東北古城內

明一統志

漢汝南太守宗資墓在縣東北二里墓前有石獸二有

明知府楊應奎重鐫石獸膊字記

一統志云按歐陽修集古錄天祿辟邪

四字在宗資墓前石獸膊上沈存中筆談今南陽縣北
宗資碑旁兩獸一曰天祿一曰辟邪而明一統志云宗

均墓在南陽縣東北古城內有二獸左刻天祿右刻辟邪論地則皆南陽按方俱在東北兩存之以俟攷

漢長沙太守張璣墓在延曦門東迤北二里仁濟橋西

北舊志云墓久堙順治初同知張三異因葉縣教諭馮

應鰲訪得其處築土壘之建祠墓北有分守道桑芸記

記曰粵稽金匱玉函之書莫不口實仲景先生先生爲
涅陽人靈帝時舉孝廉爲長沙太守後以醫名世人有
知其概者至詢先生宅里邱墓鮮克詳焉前此紀載者
略其良二千石而以方技列之後之學者雖珍其編以
起沉痾遵其術以擅專門而無操琴而見文王之貌講
易而宿王弼之塚者又何怪滄田陵谷埋古蹟于綦雲
莽礫也然今之追慕古人與古之牖靈今人恒相求而
問一相值俾有機緣分際焉如曹江之祠因中郎而益
彰蜀梵之剎逢潞公而始大雖一時風流雅尚而與洞
庭傳書汾陰出鼎何以異也涅陽昔隸宛故先生爲南
陽人郡東高阜處父老久傳爲先生墓與故宅洪武初
有指揮郭雲仆其碑墓遂沒於耕牧越二百六十餘載

爲崇禎戊辰初夏有蘭陽馮應鼇者爲諸生時感寒疾
幾殆恍惚有神人黃衣金冠以手撫其體百節通活問
撫者爲誰神曰我漢長沙太守南陽張仲景也活于千
古奇事我有千古憾事蓋爲我釋之南陽城東三里許
有祠祠後七十七步有墓歲久平蕪今將鑿井其上封
之惟子忽不見病良愈非夢也非譎也是秋九月應鼇
千里走南陽訪先生祠墓不可得悵惘間謁三皇廟旁
列古明醫內有衣冠鬚眉與病中所見脗合者吹塵索
壁間字乃仲景像也因步廟後求先生墓爲祝縣丞鞠
爲蔬圃矣具道此中有古賢墓丞怪之並述病中奇異
丞益怪之應鼇紀石廟中而去後數年兵寇交訌鼇不
復來園丁掘井圃中丈餘得石碣題曰漢長沙太守醫
聖張仲景墓是郭弁雖仆而猶僅存者此也碣下有石
洞幽窈聞風雷震撼聲懼而封之癸西南陽諸生應省
試與應鼇遇言之甚悉又數年癸巳應鼇謁選得昆陽
司訓昆陽亦隸宛入郡過先生墓墓雖封尙未能式廓
兆域以酬夙志嗚呼先生拯馮廣文於危病之際而不
能解祝丞之惑顯風雷於石穴之中而不能止畚鍤之
鑿皆有機緣分際焉并不鑿則碣不出碣不出則人信
廣文祠中之石不如信園丁隧道之碑獨數百年晦垢

於郭指揮而忽一旦感著於馮廣文象法在世亦有紀
年龍沙顯迹亦關運會所稱千古憾事亦千古奇事洵
不誣也宛府丞張君三異聞其事而奇之以長沙棠憩
孔邇而又本支淵源仕於宛爲地主表墓修祠職也捐
資糾義建祠三楹於墓後門廡垣階悉備與城西諸葛
廬相望遂爲宛中弔古佳話則馮廣文其介紹而張府
丞其後起子雲哉當漢桓靈時北寺擅權西園鬻爵有
志者築坏而遁掃軌而棲咸惴惴顧厨俊及之禍先生
小試長沙退而著書以垂後世蓋嘉惠斯民未見諸施
行者寓於消沴迓和爲萬世甦疲癯而躋仁壽豈非有
所託以成名而道固進於方技之外哉當時華佗服其
論而王粲遜其哲固非建安諸才子可頡頏也先生處
不可爲之際以治世之譜寓之於醫理張丞值大有爲
之時法壽世之心用之於治理千古知己又不止區區
世系之同祠宇之築也祠成張君請記
於余泚筆以紀顛末時余分藩宛汝云

漢順平侯趙雲墓在縣南三十里屯東南

明一統志通志府志同城

塚記作十五里有碑

按雲之葬史無明證又北史趙

邕傳云乃致其母喪葬於宛城之南趙氏舊墟今城南

亦無邕母墓證
古之難蓋如是

徐庶墓在城西南七里卧龍岡通志

魏車騎將軍黃權墓在豫山前水經注預山南有魏車騎將軍黃權夫婦二塚

地道潛通其塚前有四碑其二是魏明帝立二是其子及臣吏所樹者也今無攷

漢蜀郡太守王子雅墓在縣北洱水側詳金石

晉蜀郡太守鄧義山墓在黃權墓南水經注洧水又西南逕晉蜀郡太守

鄧義山墓南
今無攷

唐河中府參軍劉伏墓在縣西南十五里草店奉禮郎

吳鎧誌墓詳金石

明唐定王靖王唐世子並憲莊成敬順端裕諸王墓均

在紫山

明一統志
府志

舊志

今山陽荒塚纍纍碑碣無存

明三城康穆王墓在城西

王鴻儒撰碑曰正德六年辛未秋九月朔日唐府三城王

薨國主今王以間皇上輟視朝一日遣行人張翰賜祭
自宗室諸王暨文武大臣皆附祭焉於是賜諡曰康穆
命有司治喪葬如制王無嗣國主以王母弟湯陰王第
三子某請繼於朝許之鴻儒風受漢中之碑未有述也狀
王之行命鴻儒銘之鴻儒受漢中之碑未有述也狀
狀王諱某出太祖高皇帝第二十一子始封之君定王
定王生憲王王則憲王之子莊王之弟今王之叔父也
天順二年戊寅正月一日王生成化五年己丑王甫十
二受諭孟尙書於教授崔致辛卯九月十五日冊封爲
三城王十年甲午配妃趙氏明年乙未七月十五日憲
王薨終喪制十四年戊戌冬出就封邸二十一年乙巳
受詩於教授林密又明年丁未十一月二十四日莊王
薨宏治二年己酉勅賜五經四書五倫等書又明年庚
戌始營御書樓是歲受禮記春秋於郡學教授李應宗
五年壬子受易於舉人張景純癸丑奏乞樓扁勅賜名
進修且有讀書好禮之褒九年丙辰樓成國主書額十

七年甲子玩易洞天成正德二年丁卯今上皇帝賜袞衣三襲五年庚午旱王齋沐以請澍雨大沛國王製詩旌之王天資聰睿穎悟絕人寬厚簡重寡言笑襟韻夷粹可親孝弟忠順篤厚誠恪幼爲父兄及母妃夫人所鍾愛稍長卽知承顏悅志服膺記籍凡憲莊妙墨清製得之則襲藏惟謹勤學敬業終身不怠洞天中畫太極先天諸圖日偃仰其下以觀天地運化陰陽消長之妙書樓之前構亭曰風月無邊平生特嗜繪事故樓亭前後植珍木奇草每諦玩其物色生態寓於毫素圖中類巖產瑞麥瑞穀並頭蓮合歡菊並蒂牡丹悉寫爲圖爲國主壽別有耆英圖西王母圖香山九老圖折枝百花皆妙絕一時國主以奪造化權稱之初憲王薨傳神者失真時已三十八年矣王追寫儀容儼然如生觀者歎異自少至長法書名畫未嘗去左右書結構有二王餘韻畫入妙品詩類中唐此其大略也所著有進修藁若干卷薨之次年冬十一月二十日葬期也郡城之西三百弓葬地也銘曰維昔帝子分茅於唐龍旂千乘始敷南陽迨今王孫大宗別子昨以三城煌煌印冊生有殊稟聰睿寬仁多才多藝明物察倫篤於孝忠兼敦友弟樂善親賢始終一意蒐經獵傳幸旣有得發於營爲見

於奏列最其平日能事苦心丹青之妙輝映來
今城西之阡平夷安衍神其棲藏與世同遠

明新野王墓在城西羊山前

明承休昭毅王墓在城西北五里四府井有嘉靖四十年祭王妃王氏碑

明贈唐恭王墓在城北七里棲真原

張璧墓碑曰維天
異成命於我皇明

百八十餘年廣樹宗藩克隆磐石其在宗室之賢實惟
唐恭王乎不然何篤生名胤纘承合緒冊受唐封光翰
藩邦綽有聲烈之若是也王諱彌鉗我太祖高皇帝元
孫曾祖定王祖憲王父莊王伯兄成王母次妃趙氏實
生王王幼而溫良長乃碩茂好讀書書初讀卽舉其要
凡古今事變及百家諸子遠邇洪纖靡不究竟早受王
封就第時莊王及母妃方康強臨國王旦日入內視膳
問安歷寒暑不輟莊王母妃甚愛之兄成王嗣封王事
奉恭謹且友恤諸弟悉得歡心爲成王及諸宗室所重
有國事涉疑難者咸就王商確王立剖分咸中肯綮正

德辛未間河南北盜起勢逼南陽南陽震驚王一一指
授府衛官方略兵戎整暇防禦戒嚴賊聞遁去宛民賴
安後莊王及母妃病輒彷徨左右顙天泣禱沒之日極
哀毀殯則徒步三十餘里呼號不絕口君子謂王仁孝
教諸子有義方每爲擇嚴師讀講諸子皆檢飭自勵穎
哲茂成平生雅尚儉素不尚華美宗人有以千金飾裘
馬買名姝者王憎之若將浼焉日惟與文士觴咏自樂
晚年廣治園囿雜蒔花竹構謙光諸亭曰吾非耽樂乃
以待賓友燕宗室相與娛暮景爾是以大夫士道南陽
未有不造門求見者書工隸草詩尚氣格日廣休聞頓
超名輩每對客揮毫一韻輒至數十首自號秋江叟嘗
咏秋江末句霜後水痕清徹底呼童整頓釣魚竿蓋托
此寓興云所著有宗訓直言謙光堂集秋江詞凡若干
卷人方期頤是望俄一疾薨正德丙子七月二十三日
也年五十有四上聞訃悼念輟視朝三日謚恭靖遣行
人陶滋行喪禮命有司營葬致祭各如制以是年十二
月二十四日葬城北棲真原與先逝妃楊氏合窆焉子
五長卽宇溫襲封文城王嘉靖癸未唐成王薨無嗣以
倫叙聞於上得封文城王爲唐王妃趙氏封文城王妃
今進封唐王妃薨繼妃丁氏次宇潛封鎮國將軍配成

氏封夫人次字泓封鎮國將軍配王氏封夫人次瑒女三長西華縣主儀
封鎮國將軍配周氏封夫人次瑒女三長西華縣主儀
賓李江次洛南縣主儀賓倪虔次信陽縣主儀賓蕭韶
孫男四宙栾封世子世妃周氏繼夏氏宙栾封輔國將軍
軍配夫人趙氏繼龐氏宙杰封輔國將軍配夫人王氏
宙械封輔國將軍配夫人李氏繼夏氏曾孫七世子生
庶子一尚幼餘碩焯封奉國將軍配淑人陳氏碩燧封
奉國將軍碩焄碩焮未封餘幼孫女四長金華郡主儀
賓郭恒次玉田郡主儀賓史恬皆今唐王女次夏邑郡
君儀賓陳天叙次清源郡君儀賓辛和王以父恭靖王
進封爲恭王於是感荷隆封追懷罔極迺益飭塋原爰
封爰樹用闡舊觀謂宜刻辭遂首之石以昭皇寵特命
左長史吳棟狀其事遣使來京師屬爲文伏念璧先侍
郎維作郡南陽璧嘗侍官悉于徽行潛德素所仰止乃
拜手按狀謹書之而復爲之銘銘曰維明啟運帝道尊
大封同姓培本根分茅列爵車鉅藩定王立國開乃源
日憲曰莊傳乃蕃維王嗣德重璵璠博綜羣書探所原
藩麾載樹就府垣宮闈省侯言色溫兄事國主友義敦
裁務鋒解艱與繁嘉尙簡素無囂譁忽返造化還本元
種德食報徵後昆光膺寵號臨邱園駕虬駟鳳朝騰騫

上游冥漠下崑崙玉仙逝矣儼若存磨礪元石
置墓門大書懿行昭國恩後千百年傳子孫

明衛輝王墓在城東北五府井

有華表

明新野恭簡王子鎮國將軍墓在城西二里

有萬厯十八年其孫

奉國將軍宙某碑按明史新野王芝城諡恭簡以唐宗派瓊芝彌宙推之將軍當名彌某明以五行相生爲名則其孫宙某當取木部今碑缺處隱有木旁是也攷明外史名山藏玉弇州四部藁新野王宗有宙松以任俠聞其父宇挾瞽而知書能辨識古器宙松子碩勳孫器封並以文章名海內疑此卽其祖葬歟然碩勳父子當萬厯中已舉爲宗正碑立於萬厯十八年顧不著其名何也今姑仍舊題闕以俟攷

明蕩陰王子彌鎰墓在城北

王鴻儒誌墓

明蓬萊郡王墓在城東北八里大莊

王鴻儒誌墓賣表曰予昔爲許

嘗聞唐府蓬萊郡王儀賓莊公之賢於豫山先山張君文粹時莊公方爲裕州諸生厥旣成禮而賢益彰於予

有文字之交焉頃以王卒且葬請表於予予讀今南京
國子祭酒王公懋學之銘及公所自爲蓋文而重歎夫
王之賢也顧病餘荒落未能執筆以書而公請益勤乃
最王誌之所書者而詩之俾篆於碣其詩曰古有女則
方策以陳曠自貴富不自賤貧惟古之志婉婉令人唐
土之女帝有殊恩錫郡作主有養克孝有視克恭有瑟
有琴關雎之風亦有書數以佐女紅歲朝月謁延慶忌
哭王曰賢哉惟古貞淑二十九年抱病以終儀賓哀痛
上感睿衷厥葬疇銘國子祭酒載徵表辭我則何有墓
前有石嘉號以題終古是圖刻我銘詩 按令人句下

疑有脫誤

明南陽衛都指揮使郭雲墓在縣北古城內雲建衛築
城撫綏郡民其功固偉但以建城盡毀古碑不能無恨
舊志城中有廟民時祀之

明吏部尙書柴昇母墓在城東校場後

劉健表墓曰工
科都給事中南

陽柴昇母封孺人蘇氏宏治十年五月五日卒於家昇聞訃將歸葬痛其母之賢恐弗白於後乃偕諸同寅詣余出其左給事中李君漢所爲狀請爲墓表余素知昇又重以諸君之請遂摘其大凡爲表之孺人諱妙成山東商河望族父諱喚母某氏孺人自幼承家訓閑女德時昇之父文璋公侍季父斯馥爲德州驛丞方與擇配遂歸之其季母譚氏性嚴厲難爲其下一見孺人卽視之如女無何與文璋歸南又爲其父景州判官斯馨及母太孺人賀氏所喜每日吾得佳婦吾門其昌乎自是凡柴之族及其姻戚無不稱其賢孺人平居兢兢婦道而於事舅姑又誠篤太孺人嘗得危疾每潛禱於天願以身代以故賀孺人愛之尤甚驛丞夫婦久無繼嗣欲得文璋賀以孺人故靳不與兩姑爭欲得之非賢而素得其心能若是邪始孺人歸文璋景州猶爲太學生在京師十餘年留孺人夫婦理家務時異母弟文珪及一妹方幼俱付之撫養與婚配景州到官未幾卒驛丞致仕家居尋亦卒孺人於兩姑孝養備至譚嘗病瘍亦危甚孺人侍禱亦如賀病時文璋兄弟三人母兄文珪及文玘相繼早世兩房遺孤孺人又爲撫之至成立孺人生一男卽昇一女適郡庠周羽昇自幼岐嶷不凡孺人

雖甚愛之遣入郡庠然有小失輒加訶責鄰嫗或以爲言乃曰吾不欲其嬌縱若鄉里兒昇舉進士授工科給事中累進今官其立朝行已侃侃不阿多所建明爲士林重鄉人有識者咸謂皆孺人教導之所致也昇自給事中滿考得勅封父母以已階屢欲迎養以孺人晚年多病輒不果心恒歉歉至是忽聞大故此所爲痛悲者也孺人卒時年六十以卒之年十二月六日葬於豫山之原余與昇雖同鄉省然隔越數百里尋常聲聞且不相及况其母氏之內行乎然嘗聞之古人云非此母不能生此子今直以昇之爲人觀之則李君之狀有足信者昇之賢固其母之賢也况昇之進方英英未已他日之所就未可量則其母之賢名亦豈止於是哉故因其表墓并書之以示其後云

明南陽衛指揮臧瑛墓在城西十二里河右

王鴻儒表墓

明南涼戶部尙書王鴻儒墓在城南孟村

今名王宅明唐成王題王

文莊公墓詩慈慈佳氣鬱山川奎宿光輝六十年一代典章歸武庫六經衣鉢接文禪聖懷政孰東南慮哀些

俄驚海岳傳天喪哲人邦
國瘳老夫清淚滴重泉

明山東布政使王鴻漸墓在鴻儒墓西

有布按二司黃潤維誠祭文碑

明南京吏部侍郎方九功墓在城西南十二里河西
有華表

明孝子史彪墓在城西紅廟

國朝南陽鎮總兵張應祥墓在城西十二里河右

戴明說誌

墓有 敕賜祭葬碑

國朝夔陵鎮總兵王允昌墓在城北蓬萊郡主墓北有

康熙五十年 諭祭碑

國朝固原提督周克捷墓在城東北豫山前有乾隆十

年 敕賜祭葬碑克捷字凱三山陰人以病請得家南陽故葬此

國朝贈副將銜漳臘營參將薛琮墓在城東北豫山南有乾隆三十八年 諭祭碑

風俗自昔尙忠樸

史記潁川南陽夏人之居也夏人政尙忠樸猶有先王之遺風 漢書潁

川南陽本夏禹之國夏人尙忠其樊鄆樸

當秦漢之際頗好商賈

史記秦末世遷不軌

之民於南陽南陽西通武關鄖關東南受漢江淮安亦一都會也俗雜好事業多賈其任俠交通 漢書秦既滅韓徙天下不軌之民於南陽故其俗夸奢上氣力好商賈漁獵藏匿難制御也 宣帝時鄭宏

召信臣相繼爲太守勸民農桑去末歸本民以殷富史記

故秦夏梁魯好農而重民三河宛陳亦然加以商賈漢書宣帝時鄭宏召信臣爲南陽太守治皆見紀信臣

勸民農桑去末歸本郡以殷富及光武起宛南陽爲帝鄉縉紳所出隋地

理志南陽古帝鄉縉紳所出家有貞婦戶有孝子比屋連棟不可勝

數張璠漢記魏晉而後風俗世殊齊書南陽新野風俗出騎射然敦樸尙

農士爲道德性命之學其大率也王應麟玉海南陽被召杜之化易商賈爲

本業轉爭訟爲篤厚祝穆方輿勝覽俗有武斷之風人勤農桑之務又云古稱淳厚敦尙詩書專務耕桑有東

漢遺習舊郡志人尙淳樸少夸詐明季流寇蹂躪南陽尤劇城市瓦礫

邨落邱墟又土寇蜂起一二子遺強半脅從由是俗尙

狠鬪無復純樸之風舊志國朝初興土滿人稀客農游

賈多自秦晉人旣愿謹又濡染聖化故其士習樸勤

敦詩書不事浮華猶有先正遺風其弊近利學不適用

農多種麥菽番薯濱水村落間種秔稻距山近者就坡
陁樹榭春蠶冬薪男事耕穫女知紡績惜佃客十九貧
而多情地力蓋未盡焉

工惟攻皮之工比他縣較少然豫山產玉蒲山產石西
北諸山皆宜蠶絲故縣北居氓多治玉石爲生城內機
杼之聲互相聞也

晉人固善賈縣又通水陸乾嘉時城廂及賒旗鎮號爲
繁富游間奢靡猶有宛孔氏餘習近亦稍止矣而商業
日衰

冠禮舉行者少婚姻男女率從幼定及昏多以夜喪多

尚齋醮非禮制然期功必服弔送皆經猶爲近古祭禮

士大夫祭於祠無祠者祭於寢室至清明節七月望十

月朔日皆酌酒焚楮拜掃墓前歲時伏臘多與他州縣

同要無有過奢者

宋繼郊風俗志略曰正月元旦祀神祀先拜謁尊長親友互相稱賀元

宵節邑人用糯米麵裹糖相餽送縛竹枝爲棚黏五彩

紙其上市厘演習鼓樂入夜各肆張燈懸綵爲百戲禳

不祥鼓鏡之聲充街塞巷婦媪攜幼兒登城遊眺謂之

散百病三月三日士民競遊豫山謂之踏青自城闈

至山椒塵盆歌沸承平繁富競事冶遊有如平子所賦

者舊時官嘗禁之不止今漸不如昔矣清明日祭先

塋插柳於門三月廿八日四月朔皆爲會賽神宛俗

重農多買賣農器備預收麥端午節門插艾枝結香

囊飲雄黃酒食角黍童子繫五色綫六月六日村農

皆爲社祭嘗新七夕婦女穿鍼乞巧中元祭掃先

塋中秋夜設茶果於庭焚香祭月九月九日士大

夫家多羅列菊花於庭除延賞賦詩或攜酒盪約朋儕

登豫山眺望

十月朔具香楮剪紙爲衣詣先塋焚化

名曰送寒衣

冬至日食水角

十二月八日煮粥雜

以豇豆果品名臘八粥

二十三日祀竈神次日掃舍

字

凡祀皆男子主之惟祭月否諺曰男不祭月女不祭

竈

除夕更桃符作春帖父老子弟宴讌圍

自咸同軍

爐團聚竟夜坐謂爲守歲爆竹之聲達旦

自咸同軍

興兵燹絡繹因以饑饉民居蓋藏十失四五縣旣南北

署膺海禁開客遊者眾民貧易動故俗尙雜而多端稍

稍習於侈矣然其庶而能勤少夸詐不爲奇袤技巧今

猶昔也夫移風易俗貴移其本而易其末昔南陽好商

賈召父富以本業况漸摩於 聖世風化者深哉示儉

示禮是在司牧者之因勢利導焉

南陽物產舊志所載詳矣大要穀宜六種瓜果諸蔬宜

菘梨爲浪木多槐柳桐柏椿榭藥有蔓荆

太平寰宇記
土產蔓荆子

今出北

溼山 黃精款冬

太平寰宇記
土產款冬

天花粉白菊之華

太平寰宇記

記白菊花貢其花在騎

立山上有入戶看守 獸有雉兔白花蛇

一統志
土產白花蛇南

陽縣出

按今騎立山

縣舊產銅鐵絲布

元和志開元
貢白紵絲布

賦布

絹 太平寰宇記
土貢

石青銅鐵舊有礦今廢

太平寰宇記
騎立山出銅

礦

舊志今

石青亦間出

一統志石青南陽鐵堞
山出一名石綠一名青綠
惟

無開採者

絲棉麻靛

一統志南陽府產
木棉麻靛境內皆出
漆 一統志漆南
陽浙川二縣出
玉 出

山 頗著然皆芟芟利益非本富南陽在漢世本以水利

鐵冶殷富名天下今胥棄不治而嬰粟淡芭菰或連阡

陌故穀貴鮮蓄積然今中州率多如是亦不獨南陽二

縣爲然也



南陽縣志卷三

建置

疆域定而後建置興古者建國先營都邑其法量人掌
之記曰司空執度地居民興事任力故井邑之制爲
王政所必講南陽附郭邑固一都之會也 國家無事
時修城郭備體制治人則有官府事神則有廟祠民生
其閒各安土俗咸豐同治之際縣屢被兵諸所建置廢
而不治其後乃稍稍修葺今公私益謹於前矣凡建置
之目曰城池曰公署曰壇廟曰鄉里曰集鎮

南陽城池卽唐南陽縣舊址元和郡縣志云鄧州南陽

縣西南至州一百二十里者是也元始爲府城明初贅以甃石成化中嘗一修之崇禎初嗣唐王聿鍵蠲金重修明末燬於寇 國朝順治康熙中知府王燕翼辛炳翰張在澤乾隆二十七年知縣魏涵暉皆有增葺道光末城浸圯咸豐四年知府顧嘉蘅始大修之城周六里二十七步高二丈門四皆用舊名東曰延曦西曰永安南曰清陽北曰博望其上皆有樓門之外皆有月城城隅皆爲屋又起閣東南隅城上曰奎章凡置礮臺三十警鋪四十三堰梅谿爲池水入自永安門外環城而左置石壩時其蓄洩以城之高爲池之濶

有嘉蘅自爲記

近池起

女牆其高得城三之一同治二年始議環城置四圩狀若梅萼已改爲郭周十有八里附郭建空心礮臺十六其後時有修葺光緒二十三年梅谿溢圯城東南隅壞奎章閣知縣潘守廉重修之有守廉自爲記二十七年又增修土郭斷爲四圩從初議也

公署十餘所知府署在城西南隅經歷署在府治東教授訓導宅在府文廟左右皆詳府志以非縣所專置不具書

知縣署在府署北舊志引明舊志云卽古宛縣治所然

無記可考

唐徐方回有南陽縣廳壁西墉記今佚

宋時縣署蓋有馬臺

見歐

陽修集

金置申州時蓋又遷治焉

金元好問南陽解署上梁文曰拙以力巧

對勞野人養君子之義政有居訟有所國家謹官府之常繁改作之果難寘樂成之有在爰從舊邑隳隸新州一朝公廨之遞遷三政民居之雜處吏卒靡瞻依之地簿書失局編之嚴加之儻直稍憊公移卽至度財計役有司誠憚於紛更習陋安卑識者亦爲之竊笑眷維吾土今號名藩田則九州上腴人則四方和會山連峴首如瞻大將之鼓旗樹入春陵猶有故鄉之城郭豈有官爲十萬戶之長地方二千里而遙陞級不爲之少崇繩墨自拘

明洪武三年知縣劉遵卽古基營建宣德二年

知縣李桓圭修之明季燬於寇惟存退食堂三間幕廳六曹房儀門譙樓皆燬 國朝康熙五年知縣呂正笏

建寅賓館八年知縣唐朝宣修聽政堂十七年知縣白

邦傑修兩廊書吏六曹房

舊志體制始備道光末圯於雨

咸豐二年知縣鈕潘移治縣署東舊鹽務館同治十二年知縣吳若烺復修舊署還治其地工經年始訖用制錢萬九千七百緡有奇

有若烺自爲記

典史署在縣治左獄在縣儀門西順治九年知縣李廷松修其後增葺隨縣治

教諭訓導宅舊在縣學明倫堂後康熙初移建文廟東今教諭宅在文廟西訓導宅在文廟東

舊志申明旌善二亭舊在縣治東文廟後今燬

賒旗店巡檢司在縣東北九十里賒旗店乾隆二十年

建

博望驛丞署在縣東北六十里博望鎮驛舍在署東林
水驛丞署在縣南六十里瓦店驛舍在署西皆因明舊
制

南陽鎮總兵署在縣治東

舊志坐護衛街
順治二年建

左營遊擊署

在總兵治東北右營都司署在縣治西

舊志稱左右營
遊擊府其時未

改官也守備署在遊擊治西北俱詳府志

城守千總署在總兵治北故南陽衛守備司也

舊志南
陽衛守

備司在東門
十字街南

存城外委署在千總署北

賒旗店汛把總署在賒旗店巡檢司南

協防額外委署二一在縣西北百二十里南河店一

在縣西北九十里三岔口均光緒十八年置

陰陽學醫學舊在城內僧會司舊在彌陀寺道會司舊

在關帝廟舊志今均無定所

其廢署有分守南汝道署舊在察院西

明王鴻儒南陽重修布政分司

記云南陽當豫荆秦吳之交爲中原之南蔽北州之走集漢高因是以入關光武因之而離隱新室立市並於四都張衡奏賦參乎二京其地之要重有自來矣前元失馭四方兵起干戈之餘莽爲荆棘三紀之前尙多曠土流聞遐壤以爲樂國來適者襁負相屬積以歲月過於土著函經審覈俱爲編戶然郡北西南境多深山大谷峯連嶂疊綿邈無窮其可知者嵩邙灑穀鄰吾北土金商巴蜀邇吾西封均房襄鄆接吾南鄙夫民雜五方故情難一地近險固則志易搖而以難一之民處易搖之地統馭彈壓之寄其可易擇而輕畀乎宏治末東阿

劉公博之用薦由尚書郎遷河南叅政奉敕而來撫民兼分守汝南道而南陽實其治所弭節於茲將三年矣科條敷設綱目畢張政令均於吏惠澤流於民威刑加於姦方略施於盜本以忠信行以勤敏庶功卽叙百爲底成顧厥攸居卽官寺也入其門束於窮壁僅爲狹徑無賓主之階至其廳迫於隘序纔可旋馬闕上下之位自燕寢以下推是可知也而又歲久弗葺傾欹相望或支以木或維以繩將覆壓是懼甯暇顧制度之未備乎公用是以聞於撫按二府悉以允報公乃相地度宜諷日命匠拓其東以盡廣遠於西以處中木採於岑隅瓦陶於河濱夫役屬至料物芻集或有未給則規措以足之始事於冬初而訖功於夏首寢室靜深廊序清整由是或賦政於外或聽訟於中臨之以莊高而不亢吁政至於是亦可謂成矣公又陷石於堂之北壁橫施外向而命鴻儒記之昔劉越石在并州長於招懷而短於綏撫故一日至者千人去者亦千人越旬踐先以生聚而後以教訓然亦必二十年之久方能沼吳而霸越今公至止僅一考耳民以樂生安土有勇而知方可以卽戎而待盜則所以招懷綏撫生聚而教訓者視越石句踐始未知其孰賢或者尙謂古今人不相及豈知言者哉

公爲此役蓋出於上下信孚之餘誠所謂知所先後者矣然君子之道使民也義春秋之法興作必書公之所以命詔於鴻儒者意其在茲乎是役也佐其規措則大尹高平郭侯涇稽其勤惰考其出納則太守曹南李侯智郡推甯國江侯文敏揮使明季燬於寇國初移治郭侯景隆干兵廣侯麟云

按察司行臺

陳維崧有詠署中庭前石榴詩

康熙六年廢

同知通判署在府治東

舊志軍糧二廳在府署左今併軍廳入糧捕廳軍廳廢康熙二

十二年復設於浙川縣

推官署在府治西

舊志有何之鐫戊戌秋客南陽司李署雨夜感懷詩

照磨所在

推官署南司獄司在府儀門西稅課司在府大堂東縣

丞署在縣治東北主簿署在縣治東今均廢

南陽衛在縣治東北唐藩宗廟街明初都指揮使郭雲

建今廢

舊志唐藩護衛司在縣治東南

其行署舊有巡按御史行臺在南門內迤西察院街今

爲試院試府屬之士同治十二年知府任愷重建

有愷自爲

記督學許乃普有古柏記

按察分司舊在府治東康熙中廢每官長至率以試院

爲行臺其他賓旅之館民自修之

唐劉希夷晚憇南陽旅館詩旅館何年廢

征夫此日過途窮人自哭春至鳥還歌行路新知少荒田古徑多池篁覆丹谷墳樹遠清波日照蓬陰轉風微野氣和傷心不可去回首怨如何國朝宋聚業題南陽旅壁詩真人白水生文叔名士青山卧武侯水自奔騰趨漢口山猶層疊枕城頭時來一夕收銅馬事去經年運木牛歎息興亡千載上荒村野廟總悠悠

其倉庫舊有預備倉在縣治東新倉在縣治前稍西明

知縣程遜申改稅課司今廢

舊志

常平倉在府學東南明唐藩祿米倉也 國初改置康

熙三十一年知縣張光祖重建其後浸圯光緒五年知

縣方胙勳修之十年知縣陳履忠十八年知縣周應麟

戴作又相繼增葺今倉凡六廩廩爲房凡四十間

社倉二十四皆知縣殷如璧勸置今惟存博望林水兩

倉

有記

庫在縣大堂西修葺附縣署

又演武廳在東郭外明建

有分守道顧福正德元年重修記

國朝乾

隆十六年重修

有總兵改光宗記

養濟院舊在城西康熙中圯雍正四年知縣陳玉綬移

建於城東泰山廟西

周四十二丈爲屋十七間

光緒二十五年院半

圯於水二十七年知縣潘守廉增建

有守廉自爲記

普濟堂在東關奎樓街雍正十二年知縣陳玉綬建

爲屋

四十八間先後置膳田四百畝有總督王士俊記

蠶桑局在城東光緒三十年知縣潘守廉建

有田一百三十畝

育嬰堂舊在察院西康熙三十三年知府朱璘建

有璘自爲

記今在府城隍廟內府經歷主之

漏澤園在城北順治初總兵張應祥收枯骨叢葬之有

分守道楊璫記

記曰宛民自失橐耜而日受蠹木隙墻之風雨則孰生孰死幾不知所暱就矣

夫苟不知暱就則兵兵之盜賊盜賊之武闕西瞰淮水
東流抑何時何地不爲鋒鏑險牙而方城負隅之嘯更
出沒突人籬壁觀浩劫于中原散必南陽一角有今日
哉天子曰嗟余指顧中原而莽戎聊定惟苑民殄滅
此離最深其簡鞠旅大纛能肅戎行而養民者爲我蔽
南汝于昇我奎翁大將軍乃應詔蒞政之日城無完郭
農無疆索民與寇狎居若綴芳公室傾覆而有司若寄
夫以驚魂未定之民而隸開國初設之鎮無論無民卽
有民躡足不下而大將軍曰國初傷夷民氣未復吾先
習民而後致力于盜俾盜與民分而後出選鋒勦盜而
民不傷此吾今日之軍政也行之歷年而形格勢禁盜
與民分再行之歷年而民不知有兵如是者數歲其間
批亢擣虛料敵應變定南汝而屏襄漢者姑不暇舉卽
撈河餘孽噉食近境終不忍殺降而遲之又久而後剪
定翦定矣復推功于有司而不肯自居此其度量爲何
如耶余嘗讀史每至吳起之猜忍殺謗已者三千人武
安君之陰賊坑趙降卒四十萬王全斌之妄戮鬻貨其
守西河拔上黨下蜀之勛非不赫燿一時而事後論定
其君其臣又未嘗不薄其爲人也以此論大將軍而夫
將軍迥活人之志見之軍功者豈無狀爾余獨表其

節一事者何也蓋掩骼王政也有司不及舉而大將軍
舉之已出人意表及訛之羽流曰大將軍初蒐于農隙
見弱體馬蹶閒捧蓬而過之罷宴而歸再獮于旣烝不
但羈體馬蹶閒而且塚多晉井新鬼未藏而故鬼將出
仍救罷宴蓋自是大將軍無日無念不欲翳死人而肉
白骨也奈白骨青苔不勝揀破塚復迷人府中人勾當
鮮不至冒京觀以失實計無過閒人而又能自見其行
者乃勝任酉冬始得元妙觀道士四人月給米八斗錢
二千衣服冬夏稱足于是四人者積稔之力墳墓竇大
小凡若干孔聚骨如山大將軍卜地于觀之前開萬人
壙卜期于仲冬廿七收衆骨而瘞之卽于本日作佛事
施晚食嗚呼余備藩于此且經年時與大將軍相周
旋茲叨陪卿貳將別亦謂大將軍坐匡牀著弋締袍日
擊鮮饗士習騎射謹烽火門無賓客不肯預政事有斛
律光曹彬遺風而就知其山不槎蘖澤不伐天魚禁鯢
鮪獸長麕麋鳥翼鵲那蟲舍蚺蝥先王種種不忍人之
政皆充滿于大將軍之掩骼一事嗚呼此一事足傳矣
乃勒之碑以報大將軍復推大將軍之意以作歌歌度
羣骨大將軍諱應祥遼東人歌曰泖謂一將成功兮萬
骨枯而爲沙詎知慈靈之一麾兮屯蒙廓其有家白口

今馬鬣黃泉兮天涯男耶女耶饑寒耶病耶有流矢在白肉耶受將軍之度而咸利無爲嗷嗷在野而噓悲筋

右文見舊志百刻卽有民下有亦

字于觀之前作于元妙觀之西南

義塚在東嶽廟後總兵周邦甯置

邦甯字吉臣鑲紅族人後官本族副都統

未赴卒其縣境民捐設者多不悉紀

壇廟則有

社稷壇在城北明建 國朝移建延曦門東北

先農壇在社稷壇東雍正中建耜田四畝九分在壇側
神祇壇舊在南關圮於水今移建城西

厲壇在城北凡壇祭從府厲祭則昇府縣兩城隍神泣
之

府文廟舊在延曦門東

有明天順六年敕諭提學劉昌碑

順治十年移

建縣治東北故唐王府

有分守道戴明說工部尚書張彥縉記

詳見府志

縣文廟在縣治東元至元九年建

通志

明知縣劉英李桓

圭成遜相繼增葺

有楊溥王鴻漸方九功記溥記見金石

萬厯癸巳大霖

雨五月弗已廟圯權祀先師於明倫堂知縣楊惟治規

復之

有分守道黃緯記

崇禎末燬於寇

國朝順治九年知縣

李廷松重建其後教諭劉文成通判呂礪署知縣顏懋

倫教諭張煜皆有增葺

有參政楊志遠及懋倫煜自記

道光二十年知

縣徐城始大修之工經年始訖

有城自記

年久浸圯光緒十

四年知縣黃源重修有源自記

記曰

大清光緒十有四年戊子秋八月庚辰

朔越八日丁亥南陽縣學宮之先師孔子廟重修功
既竟知縣黃源謹爲之記曰國家設官以立教爲重
立教以法聖爲重而法聖則以祀典爲重入學釋菜古
義昭然所以動景行之遐思垂齋明之大法庶幾邪說
誠行無自萌孽於兩閒夫聖教至今日顧不急乎哉惟
我南北大清至德光被二百餘年梯躍航飛極於大瀛以
外南入冰海之所窮而其閒詭制殊俗非楊非墨爭立
名目闖入中國者亦往往而有此千古以來未開之局
也大河南北爲翊衛神京腹心之地教化固宜所先
而南陽府尤中州大門戶邇鑰荆襄旁控秦隴下通江
淮民氣獨駁襍不易齊夷夏且屢處至創建高墉大厦
以崇飾其所謂天主教者良有司清源正本力黜邪僻
事尤亟於他郡縣而聖人爲立教之宗學宮爲法聖之
地迺或頽蕪失治旁風上雨春秋秩祀無以陳豆邊潔
陸用致其誠敬之思奚由示威儀而格中外則官守
之責也亦世道之憂也朝廷賓服遠人宏修文德特
開同文館廣車書之大化凡語言文字之不可通曉者
天時地利之未附圖籍者器服之用之有助於食貨兵
農者罔不俯采而博習之於是選可使之絕域之才率四
方俊秀子弟分頒符節通道羣夷周地球而罔外焉凡

所往來必恭立我大皇帝闕廷於各臯都會最勝處
而先師孔子之廟遂並位於右屆大典禮日使臣以
下則拜觀如儀尊君親師俾有觀感於是各國巨酋庶
長逮乎澣童洋女蠟蠕種族乃今知中國有聖人是爲
先師孔子則亦重譯其詩書經訓仰求節目喁喁踴踴
實繁有徒轉相述做以矜奇幸迄於今未已故入第
知夷教浸煽禍及中國而不知聖教漸被已隱革外夷
也天道之往復與君師之補救蓋有互爲體用者嗟乎
聖教至今日顧不急乎哉河決以來災及數千里南陽
獨豐綏得無事宜及閒暇修典章端趨向和神人慄降
鑿庶乎根柢固而未然可防民力有餘興作既易邑士
庶咸樂所輪立觀厥成上自殿廷外周宮牆而階而廡
而門而戶及於齋庫下至庖馩罔不整飭皆中法度規
模旣茂爰筮良日鐘鼓宰醴迺備迺源敬率吏士舉
大祀以落之而妥神靈於對越之地當是時也景光洋
洋肅然在上月星清朗和風扇之迄乎禮成無有愆忒
仰見大聖人來格來歆錫之儀型永永無極於戲休
哉亦有二三愚氓與夫馱舌蜚髮者流乃復企闔瞻悚
循堵咨嗟奔走借來不忍自屏於血氣尊親之列然後
歎聖澤深遠徧諸覆戴因時利導不可端倪而物則民

奠中外一揆又以歎天下無不可化之人且無不知奉
聖人爲依歸之理而柄而循之者必自中國始又必自
中國之良有司始乃爲頌曰聖道如天靡地不承靡物
不施壽星之野作人之符振古如茲異端橫流幾論四
極孰砥其維至德馨香奠我區夏又當變夷規壇矩圻
海涵岳立指其歧迷搃金伐革鯨鱓震其聾癡於
鏖廟堂奈何弗治實神所依咸與維新文質得中職在
官司百度斯貞四方斯式誰曰不宜崇聖報本配食尚
賢孝弟之思名宦訓忠鄉賢植德作聖之基星輝戟羅
闕門洞然無不庇之豈惟庇之更揭二曜照臨無私白
水滙流豐山冠域降鍾維奇宏儒譽髦蒸然有作視此
刻詞 按此記知府漂水濮文暹之詞也

關帝廟在縣治東北

有咸豐九年頒御書萬世人極額

火神廟在北關明唐敬王建

有明莊恂及承休王長孫記

文昌廟在拱辰臺乾隆中移建城西

武廟在縣治東北

舊志今廢軍械存焉

龍神廟在府城北

通志

同治中移建府治東

故爲紫山書院

府城隍廟在縣文廟東詳府志

明王鴻儒有重修城隍廟記

縣城隍廟在縣治東北明建

國朝同治元年粵匪圍

城旣解縣人言神實護之巡撫以聞有詔加封靈

顯二字並頒德昭西鄂額遂新其廟

馬神廟在縣城隍廟西

八蜡廟在縣東北古城外

舊志通志

劉猛將軍廟在其側今

圯待葺

乾隆二十年

詔停八蜡祀獨祀劉猛將軍

旗纛廟在總兵署

舊志在衛門內

蕭曹廟在府治左

舊爲通判署

召杜祠在八蜡廟西祠舊在豫山並祀晉杜預曰三太

守祠明成化九年移建城東隆慶元年通判范愛衆增

祀明知府段堅孫哲曰五太守祠 國朝知府莊有信

重建有明郡人柴昇守道劉漳黃

忠武祠在城西臥龍岡元建有程鉅夫諸葛明時屢修

之楊士奇忠武祠記綱常之理原于天而具于人心者

行與五行同其禪續亘萬載猶一日不以前而豐不以

後而嗇不有聖賢而扶持之則人道幾乎熄矣是故湯

之興也有伊尹釋耒耜於莘野以佐之武之作也有呂

望振援生民于塗炭之中登之于春臺之上聳殷周維新

之氣象與唐虞比隆者伊呂之力也當漢之季諸葛武

侯隱于隆中躬耕畝畝謳歌梁甫有伊呂之志操人莫

之知也惟司馬德操知之惟徐庶知之以之薦于先生

遂枉駕三顧于草廬之中立談之頃嘉謨嘉猷足以破
操之鬼蜮擣權之鴟張吹嘘炎精之煨燼俾之再熾于
西南厥後身都將相鞠躬盡瘁直欲恢復舊疆混一區
宇俾綱常正人極立奈何渭上之師方張營中之星遽
隕觀出師二表則公志操同乎伊呂可徵矣彼以木牛
流馬之巧七擒七縱之奇八陣籌畫之妙爲公能事者
知公之膚者也去南陽城七里許有岡焉曰卧龍有庵
焉曰諸葛有井焉蓋公嘗汲而飲者也有祠焉邦人尸
祝公之處也歲久傾圯鞠爲荆棘建安陳侯梯以甲辰
名進士烏臺才御史奉命來守是邦顧瞻曰嘻勸節表
忠事誠在我爰出俸貲爲鼎創倡寅案及屬暨衛之武
勳相與和之又俾郡之都紀募緣于富室以助之費旣
足矣乃瀉材于川輦石于山陶甃于野庀工傭役中屹
祠堂傍翼兩廡環以崇墉蔽以修門塑公像于中凡鐘
鼓几俎籩豆罍爵奉祭之需靡不畢備菴旣落成徵予
紀其顛末刻之石庶幾嗣而奉祀于斯者得有考焉嗟
夫詩不云乎天生烝民有物有則民之秉彜好是懿德
世之人惟其皆有是綱常有理故皆有是好德之心惟
其皆有是好德之心故樂新公祠者不約而同此倡者
和者助者之氏名皆宜書遂書而刻碑後繫以銘銘曰

成湯肇殷伊起有莘武王造周呂奮渭濱聖臣同心
乃一德用扶天綱用立人極湯誓泰誓時雖後先一德
之純如日麗天惟忠武侯丁漢之季愍漢之疆瓜分鼎
峙奮起隆中扶日當空志靖九圍俾之混同再表出師
有虔秉鉞火德既衰吹之弗熯師進于渭星隕于營混
一之志潰于垂成有子曰瞻死忠于國先志之承不墮
之錫臥龍之岡實公舊廬昔有祠宇久焉棟蕪賢侯作
守知政先務構之塗之丹雘如故乃潔躋壘乃聲笙鏞
迺餼廼饗迺饗新宮惟祀之崇惟忠之勸春蘭秋菊終
古盥薦按士奇是文不見於東里文集茲從舊志載
入李東陽重修諸葛武侯祠記君子之用世必心存
乎正則其猷爲功業光明俊偉天下信之後世知之苟
所存不正則其所爲雖偶合倖中而疵纒漏掩匿之
不暇縱使欺于一人不能逃千萬人之目誑于一時不
能免千萬世之口此諸葛武侯之忠所以通天地貫金
石歷今古而猶存也昔公當漢祚傾危之日雖在畝畝
而扶顛撥亂已預定乎胸中顧以獻帝之身方墮于曹
賊之手失國寄命無復有可爲之勢帝胄之賢無出昭
烈右者故委身而從之當是時苟可以存漢雖萬乘有
不暇顧一劉璋宜無足鄭璋固擁兵坐視遣使致轍于

賊者也及魏不篡立昭烈顧命侯益自奮激佐庸主而
不隳其志累蹶累進至于斃而後已焉是其心始終存
沒無一日而不在漢也可謂正矣若泣廖立死李嚴屈
司馬懿而不敢動者豈獨其摧彊制勝之力耶亦平生
忠義激發而誓伏之耳彼荀彧者以溝瀆之經爲成仁
取義之舉雖幸免于涑水之論而竟黜于考亭之筆豈
非自失其正以貽天下後世之議哉或不足道也以張
子房之賢報韓扶漢世所並稱然究其心論之亦不免
以衛濟正未若侯之純乎正也程子謂其有王佐之心
者其以是夫故後之學者當以侯爲正南陽府城西五
里臥龍岡草廬舊址漢史稱侯躬耕南陽又曰寓居襄
陽隆中蓋秦南陽郡卽今鄧州而襄陽實在其界故也
元建祠祀侯又置書院設山長聚徒講學給田數百頃
國朝祠燬宣德間知府陳正倫陳梯相繼修葺歲八月
二十八九日爲侯忌辰而致祭焉成化間知府段堅重建
堂宇復書院舊規擇士以教越二十年顏圯遇半弘治
乙卯河南參政顧君福分守茲地乃檄知府馬輿下知
縣李通鳩工市材復爲堂六楹中肖侯像左右廡楹亦
如之其後爲亭覆以茅扁曰草廬廬之後又爲堂六楹
曰臥龍祠之左爲堂廡各四楹曰書院始于戊午夏四

月成于秋八月又歸其故田四頃以供祀事是役也巡按御史李君瀚實主之按察副使劉君俊亦預焉顧君之巡汝甯也夜夢侯訪之若世所傳畫像者適草廬結構日也夫忠義之在天下人心所同而君好古勤政嚮慕獨至故形諸寤寐如此然則學於此者亦可以監矣君比以書來請記修建始末以貽後人庶其久而不廢東陽亦慕侯深

國朝總兵張應祥柯彩知府朱璘羅

者故樂爲記云

有彭

景顧嘉衡傅鳳颺知縣吳棠姚暄任愷皆有增葺而述

及景彩嘉衡棠暄自記

二忠祠在城西祀張巡鐵鉉明建

許國二忠祠記天子嗣位初詔建文開死

事諸臣有司各祠於其鄉於是南陽郡守霍維蓋縣令成遜議故兵部尚書鐵鉉宜應詔祠又唐御史中丞張巡雖異代其死事等宜并祠而南陽臥龍岡故有祠祀漢諸葛孔明云郡守歲祀春秋宜如臥龍岡祠法以祠所部諸上官皆報可乃卽郡西故社學地祠焉甲戌祠成而文選卽方君九功以其鄉父老意屬史國書其事

按張鐵兩公者既同南陽產又其事絕相類獨所遊殊
時難皆起東北由薊走楚則睢陽爲之蔽由燕走齊則
濟南爲之衝抗蔽扼衝令江淮安堵豕負塗龍鬪野排
徊顧却而不得前地類矣各嬰孤城固守其所內闕無
儲外絕無援橫當建瓴之勢因敵設奇倏忽變化攻者
技盡而守有餘守又類矣及其力竭事去然猶嚼齒血
面氣吞逆胡背立闕廷體解而不一顧也烈乎哉臨大
節又蓋類矣中丞語具唐書不論獨尙書事不列于金
匱之藏薦紳先生難言之嗟乎死生亦大矣選栗觀望
者類託一說以自解而遂其二心在靖難初何患乎無
託文皇帝神聖則天所啟也親則高皇帝子也尊則建
文君叔父也當是時袒左右皆劉弓矢得皆楚尙書者
以彼其才誠一決去就王魏佐命之業豈足道哉而鼎
鑊甘心焉嗟嗟難乎難乎義在從一靡論其他信有建
文君矣其如文皇帝何史國曰唯否尙書蓋追高
皇帝之殊遇欲報之於建文君而以身衛其社稷故爲
建文君守也者是爲社稷守君而以身衛其社稷故爲
稷死文皇帝尊則建文君叔父也親則高皇帝子也
聖則天所啟也蓋文皇帝所啟誰能違之獨奈何讎社稷
臣而罪之也蓋文皇帝有言令繚子甯在者固當用之

彼自食其祿自盡其心吾非惡夫盡其心于建文君也
惡夫導其君以壞法亂紀者也夫哉言乎若揭日月以
懸寓內矣故怨莫大乎梁灑河寤我也而曰高皇帝所
養士獨此人德莫大乎門金川開我也而曰幸是朕來
設他人亦開之耶推此類言之文皇帝固不殺諸臣諸
臣自甘死以畢其志文皇帝亦因以成其義非故罪之
也其死彌烈其義彌章而或者乃謂不順天命與叛逆
同嗟嗟乎是何說哉然則自古革命之際孰非有天命
者獨有倒戈爲順耳蓋唐議者尙責睢陽食盡不持滿
按隊出再生之路與夫食人甯若全人而張澹李紆輩
直以遮江淮功爲解斯皆見利不見義以爲不死者口
實藉第令嬰城無益徒然守死乃其死非耶天下宗周
一夫抗首陽之節此何益于商亡而孔子賢之哉商陽
天地之中赤伏起運白水應符雲臺所圖大半產其土
不可勝祠而龍臥者祠焉設使孔明與雲臺諸將汗馬
絜功則雲臺優矣要以重君臣之義明有死無二之節
則孔明爲難而張鐵兩公又難之難者也而令萬世下
持二心選奕觀望者悚然寒心姦雄睥睨意天下有是
人遂巡疑畏而不敢發斯其功在汗馬下哉人固有一
死死等耳或生列茅土而死鴻毛或生殉鼎鑊而死岱

岳兩公者得死所矣無論唐希烈均瑄之倫卽當世順
天命者豈不自負帶礪元勳竟煙燼滅也而兩公者至
今尚在人心中談之勃勃氣猶生焉是兩公不死也聞之
尚書自洪武中受知高皇帝賜字鼎石視唐以縣令棄
外者異然兩公之死無問知不知顧其平居諤諤無異
士之仗節死義者此亦足以觀矣是祠也實因尚書以
及中丞又推中丞於尚書稱雙忠焉祠事視臥龍岡以
孔明重兩公也表章風化扶天常植人紀明天子德意
良有司事守繼自今顧瞻廟貌過者興起而况居其鄉
者乎爲樂章三闋令歲祀兩公者肄而歌焉詩曰忠貫
日兮雙虹天陰陰兮烈風乘兩螭兮愆長劍翻若來兮
倏不見不見兮奈何天時懟兮心靡他平原忽兮超遠
日雲暮兮浩歌祐迎空出入兮帝庭建格澤兮雙旂靈
之來兮蔽日雷震震兮電睇睇風泠泠兮堂戶如有聞
兮嘆息睢之濞兮濟之野抗一旅兮孤城下操天弧兮
射天狼迴日馭兮挂扶桑力旣竭兮鼓不鳴背血裂兮
鬚戟張體雖解兮心不懲懷往事兮悲故鄉祐降揚兮
兮代舞曲亂兮交鼓靈保作兮歸俎顧父老兮勞苦忽
焱舉兮雲中覽四海兮焉窮晉陽莽兮爲墟鍾歸兮故
宮覆龍兮麟麟爲厲驅沴兮福氓爲神各左右兮皇祖

降河蓋兮爲國輔輸送王世貞張鐵二公祠記在唐
至德初而有逆胡之變時南陽張公巡以雍邱令破賊
走之進守睢陽遷御史中丞凡七十戰城破而不屈以
節死詔贈揚州大都督官其子亞夫金吾大將軍人主
所以寵靈而光大之者既極備而天下學士大夫以至
婦女孺子類能言之踰六百年而爲明之建文稱革除
而文皇帝靖內難時南陽鐵公鉉以參政分省濟南固
守不下尋扼北師于東昌累進右布政使兵部尚書參
厯城侯軍文皇帝由他道入京師購得公責之跪不可
剗其膝責之反顧又不可劇其耳鼻竟寸磔於市鐵公
既用不屈坐族而天下學士大夫嘔唏噓噉于齒吻間
而不敢吐後事漸解稍稍有筆之書者而會今天子卽
位制告大宗伯故革除被罪諸臣忠于所事甘蹈刑戮
有司卽所在祠之墳墓苗裔存者厚加卹錄以表忠魂
勵臣節于是鐵公之事益大顯而南陽守維蓋令遜謂
公其鄉人于詔得特祀而張公蓋前六百年而爲義而
尙未有能祀之者以請於大梁中丞御史咸報可乃卽
郡城西闈故社學地中構堂三楹以安二公位左右廊
楹各如之戟門一凡公帑之羨費者僅爲金若干餘皆
令遜所任也旣成而分守參政李君廷龍分巡副使杜

君輅率守維蓋同守通守希仁維熙司理見賓命遜以
獸來請世貞以文麗牲之石世貞謝不敏則爲張公提
一旅馮孤城遏三十萬之強敵以障江淮公死而賊旋
滅其爲勳最大鐵公之守無異于張公其所摧堅折衝
雅亦足相埒而不能救金陵之下然張公之所爲狗者
七葉之天子而其所警者賊耳且是時死則已不死降
逆矣而鐵公之節獨信于真主一統之日知存者之爲
名公卿有妻子而亡所羨亡者之爲奸黨宗族無噍類
而之常典而鐵公獲旌又我維新之所以報張公實國家賞
罰之下所不敢言者也不又甚難哉竊聞之高皇帝起
義自采石下集慶而首舉其不降者御史大夫福壽而
褒封之立廟于雞籠山夫旌敵于抗又接鐵之際畧其
吠堯而取其狗桀以故其所感發振勵僅易世而爲主
死者比比即鐵公其尤也而天子方嗣大服渙德音以
高帝意行之于丹書之所志者而不恤孟氏有云先聖
後聖其揆一也噫嘻明德過唐殆萬矣今而後謁二
公之祠者爲封疆之臣則思其所守邦之薦紳衿裾則
思其所立感人主之激賞則思所以報觀二公之近者
二百年遠至八百年而若新則思所以報觀二公之近者

永倅令意哉因記其事而係之銘詩曰臣有大綱上以
酬分下則成仁豈名之厚而薄五宗弁髦其身君有大
德敵怨不校而誼是敦旌彼後夫以繹前思以風嗣人
於赫睢陽爲淮儲胥不驚胡塵有烈司馬作齊息壤洪
流其陲毀魄全天賓于帝所恒爲明神崇廟巖巖擊鼓
坎坎萬舞佻佻騶虬翼鸞療虹屈蛻雙甄儼輶疇疇石疇
御齊雲之徒以逮萬春若彼平安及齊汗驄母汗爾輪
靈之未格立髮嗜齷含噫未伸靈既格我營旨鬱芬削
厲爲忻豐我徐黍固我城隍福我人民濂山凌空丹
霞應之並表嶙峋獨此豐碑千秋萬年其人若新

國朝提學張九徵知府沈淵劉拱辰知縣姚暉重修有

徵彭始搏及淵
暉拱辰自記

二王公祠在二忠祠西祀明王鴻儒王鴻漸明嘉靖三十七年建

有殘碑
見金石國朝康熙中知府朱璘重建有璘
自記

節義祠在神祇壇西成化九年知府段堅建於永安

門外

有堅自
記今佚

國朝康熙三十三年知府朱璘移建今

地

璘記曰祠以節義名示勸也節義者烈丈夫之行而婦人女子能爲之則其祠之也固宜祠建於成化間

今

廢然祠廢而名存尚有舊址可考恐既久而并其名

亦

忘之將何以示勸此余復建斯祠之意也爰考祠制

正

祀周大任以敬姜孟母配而節婦高氏范氏郭氏從

祀

焉余惟大任文王之母周有天下祭於宗廟非後世

郡

邑所得而祀且無遺蹟在宛非光武昭烈廟祀可比

今

撤大任祀位蓋以尊國母示不敢瀆也敬姜歸公孫

氏

孟母歸孟孫氏同出魯桓後其世系同其節同其教

子

之義方同宜正位並祀矣顧史傳所載節義不僅於

二

母者而二母當不僅以節義稱似於斯祠未盡合也

及

祠告成適闕冊府諸書載光武感姊元沒於亂兵追

封

節義公主立廟於南陽縣西其卽斯祠也信然矣前

者

承久廢之後而莫詳所由遂祀文母而以二母配余

又

未敢輕議而仍以二母祀今二母之主不便再撤爰

進

公主而並祀之昭舊制也有正祀不可無配享余於

郡

志列女中得二人焉一爲荀氏名采陰瑜妻一爲張

氏

中丞公巡之姊軍中稱陸家姑皆南陽郡人此二人

者不易心於生死不苟免於患難以之配享雖生不同時而靈爽憑依必有曠百世而相感者至如三節婦未詳何時人無事實可考然已從祀於二百餘年之前其高風邈行自足不朽迨後閱百年之久而僅得毛氏王氏蘇氏三人又明末殉節於流寇者熊氏周氏曹氏徐氏四人爾諸鄉之父老子弟咸能言其事嗣有節義繼起者無爲限制皆得在從祀之列所以勸風化也抑余更有說焉節義之婦秉正性死正命其魂魄嚴毅真儻不容並立設有一婦焉前人得之傳聞操觚潤色後人侈爲美談不曰此吾門節美婦則曰此吾黨細處之節義婦也入祠從祀吾知冥冥中是非判然苟非其人甯惟入祠之鬼赧顏退縮而不敢前卽主議之人必有陰譴是又不可不慎也由是而仰慕前徽感發天良有真節真義者出則斯祠之建其於人心風俗未必無小補云舊祠在城外迤西基址湫隘不堪雖前人敦朴尙儉余終懼其褻也因捐俸百金卜地於大西關堂構肆新閭敞可觀且得隙地一帶又旁建數楹以居婦之寡而無告者乾隆中嘗一修之有知

羅恒 其後又圯光緒二十八年知縣潘守廉重建 榮成 孫葆

田記曰光緒二十八年秋南陽府重修節義祠成知縣
事潘君以書屬張孝廉嘉謀請余爲記余問祠名節義
奈何則謹對曰始明成化間知南陽府段公堅始建此
祠以周文母太姒爲正祀而公父文伯母敬姜與孟子
之母爲配自共姜以下凡可以翼化正教者皆繪圖兩
廡壁間而綴行實於其下事詳大清一統志及河南
通志明崇禎末祠燬於寇國朝康熙三十三年知南
陽府朱公璘乃改建今地謂文母非後世郡縣所得祀
又考冊府所載漢光武姊元沒於亂兵追封節義立廟
南陽節義之名蓋本諸此因進公主於祀而增祀陰瑜
妻荀氏張中丞巡姊當時號爲陸家姑者二人皆南陽
郡人也乾隆中當事嘗一新之而縣故有烈女祠土人
見諸旌表列女或附祀此祠中故亦呼爲烈女祠云其
後郡縣皆立節孝祠而此祠遂廢不治今潘明府重修
此祠所以屬風化而示久遠其用意甚善葆田曰然
國朝禮制郡縣學旁皆建立節孝祠祀節烈婦女與忠
臣義士孝子悌弟並凡非過祀之主則於死事地方祀
之漢節義長公主遇難小長安小長安在今南陽縣南
境內其與敬姜孟母並列正祀固宜其他從祀列女亦
宜悉如舊祀不廢抑予考唐天寶時詔郡縣所在立孝

婦烈女祠宇而太姜太姒太妣三世及敬姜孟母並稱
孝婦祀焉又按周頌離詩所稱文母實爲大妣昔周之
興文王化行南國后妃太妣與有助焉故二南之詩雖
婦人女子亦皆有士君子之行漢廣汝墳行露諸詩是
也而行露一篇或傳爲申人所作申於今爲南陽縣地
蓋其風教所由來久矣南陽風俗自昔號爲醇厚予聞
同治中嘗一歲旌表節孝貞烈婦女至二百餘人今
城中節孝祠所祀者是也邇者纂修縣志所採又幾倍
焉朱穆所云家有貞婦戶有孝子不信然歟夫節孝祠
爲今州縣之所同而節義祠元祀文母以下惟南陽有
之爲他州縣所未聞段公之建此祠也其是否原本唐
典吾不得而知要其推本王化之始基婦教之極則取
法乎上而用意深遠其所以厚風俗而勵人心者豈淺
鮮哉潘君葺而復之亦可謂知治本矣豈惟是舉莫敢
廢之常義云爾哉是祠旣稱文母當並祀太姜太妣當
日段公或未之考云潘君名守廉濟甯進士監修此祠
者爲鎮平戴廣
恩例得附書云

昭忠祠在西門內舊崇善寺嘉慶初知縣王旭藻改建

邱武烈公祠在東關同治十年 敕建此皆春秋所有

事者其通祀而未改建者有天后宮在南關呂祖閣在北關

妙觀金龍四大王廟在東關同知秦耀名建其非通祀而載一統

志通志者有三皇廟在東關有明唐敬王記禹王廟一在石橋保一在禹王店

漢高祖廟在蒲山今待葺漢光武帝廟在城南六十里宋建隆四年敕建國朝推官

江天清重修有記唐劉希夷謁漢世祖廟詩春陵氣初發漸臺首未傳列營百萬眾持國十八年運開朱旗後

道合赤符先宛城劍鳴匣昆陽鎬應弦獵獸血塗地巨

人聲沸天長驅過北趙短兵出南燕太守迎門外王郎

死道邊昇壇九城陌端拱千秋年朝廷方雀躍劍珮幾

聯翩至德刑四海神儀翳九泉宗子行舊邑恭聞清廟

篇君容穆而聖臣像儼猶賢攢木承危柱疎蘿挂朽椽

祠庭奠鳥啄祭器網蟲絲懷古江山在惟新歷數遷空

今夜月長 漢昭烈帝廟在隱山有明伍子胥廟在南清

陽城今待葺范大夫廟在城南七十里岡頭祀越大夫范張

侯祠在博望保祀漢博望侯張騫久圯張平子祠在石

祀漢張衡今待葺唐鄭張仲景祠在東關國朝知府

谷題張衡廟詩見疆域張三異建有三異募

建張醫趙順平侯廟在縣南三晉杜當陽侯祠在豫山

聖祠序趙順平侯廟十里屯晉杜當陽侯祠前有元

左司郎中杜崔府君廟在城東北十里有宋康王廟在

昌翁祭詞崔府君廟在城東北十里有宋康王廟在

北四段太守祠在府治東祀明知府段堅今廢明柴具

去歸之日民無老稚咸攀泣以別後五年公卒於家計

至民無老稚又無不歎息泣下土大夫各於其家爲位

奠哭而師儒暨里之著姓者相與設木主歲時聚享於

公所建企德之堂迄今四十餘年而戀慕不衰非深有

得於民心者而能然乎蓋公之爲郡也所舉措皆規模

遠大毀譽榮辱不足以動其心而勁節直氣又非勢力

所可折也每對僚屬輒舉考亭西山梅谿三先生戒諭

之旨丁甯訓飭且以身先之於是人人罔不感奮至如

南陽縣志卷三建置

七

抑強禦斥貪剝察民隱逆巫覘崇禮義疏冤獄豐儲貯
未逾年而政通人和百廢皆舉又謂養才在蒙則建書
院以育之肄業貴專則葺學宮以聚之士習易靡則倡
周程張朱之學以正之一時人才爲之不變又改城西
所毀尼寺爲志學書院遴郡邑子弟之秀者得五百人
羣處其中擇端謹之士分六館而教之公日一往視且
命之歌孝順俚言及詩關繫世教者數章歌竟輒論以
大義使眾皆醒悟然後去於是五百之童各以所聞者
歸而語諸父兄而父兄無不悅父兄各以其所聞者
而播之鄉黨州閭之人而鄉黨州閭之人又無不悅孟
子曰善教得民心非公之謂耶公又擇城西隙地立節
義祠內以周文母太姪爲正享以公父文伯母孟子之
母爲之配復自共姜而下凡可以翼化正教者皆繪圖
於兩廡壁間而綴行實於其下其所以表德厲俗者亦
誠切矣昔子產聽鄭國之政三年輿人頌之曰我有田
疇子產植之我有子弟子產教之子產而死誰其嗣之
今公究心民瘼彰表風化遺愛在人久而不忘卽古循
吏甯是過耶正德戊寅御史毛公伯溫來按中州觀風
之暇因考郡乘知公之賢可以執範官守也乃疏公之
善政聞於朝廷以爲無祠不足以慰輿情遂蒙俞允事

下有司爲之維時太守山東袁公儼卽毅然以爲己責爲堂若干楹翼舍門垣俱就新整乃鑿堅砥而以撰績之辭屬予以予嘗辱公門下士之末誼不獲諉姑舉其大都以告之耳公諱堅字可久別號柏軒博通五經尤邃於易登景泰甲戌進士初令福山擢守萊州歷有聲蹟蓋公少嘗師河東薛文清公得伊洛之傳故見諸德業者其光明正大有如此云 皆舊載祀典而今廢者也凡壇廟祠祭

皆從府知府王之其他爲縣所專祀者詳祠祀

鄉里自隋以上不詳縣於唐有七鄉宋三鄉

元豐九域志 太平

寰宇記

金元或省或增明爲八保繼置十三

舊志

國初因

之其後衛所省併戶口蕃舊所分保簡闊不能徧理於

是乃議增析自城以東度消瀨桐澗枕玉池而帶溧爲

保一十九

東菜園溧河店雙橋鋪曹店柏樹墳大橋黃池陂大姑塚十里鋪玉皇廟沙渠東南太山

廟金華鎮岳廟坡中火燒廟
下火燒廟于店瓦店界塚
隱山之陰西界清水爲保

一十七 新店新店東清河
口夏曉鋪西夏曉鋪東博望
西博望東寶珠堂常岡廟廣陽店東廣陽盧家

堂四科樹大河沖靈
桐河以東瀕赭比爲保一十三
廳

龜鋪羅家溝八里廟
店東餘旂店西店河南東北太山廟譚家營橋
頭清河何廟鐵佛寺馬巷青臺雷神廟千佛寺
東界清

水包豐紫循梅溪南抵城爲保一十四
許家坊槐樹灣

新店西蒲山店辜家岡柏樹廟閩營
丁家窪小石橋大石橋小鎮河王廟
龍岡以南清涅之

閒夾潦爲保一十六
龍廟蔡家橋鮮家河陸官營平樂

南鶯莊白馬清陽城大莊鎮
西南太山廟打席營青華鎮
西界潦河略騎立左旋而

南薄城西爲保一十三
王村鋪十二里河安阜掘地坪
草廟岡北官寺石門鄭家溝火

星廟太清觀三岔
而城中分四隅
外分

口陡嶺南河店
東北隅東南隅
西南隅西北隅

五關

大東關大西關大北關大南關小西關

最百有一保分隸村莊二千

有奇

詳見全圖

舊時保正或不平居民自選平者受保久更

爲例故保或跳村村或數保犬牙繁碎民頗病之

集鎮載舊志者二十有九注廢者四而叙之曰縣無大

鎮兵荒因仍宜然也自康熙以來經今二百餘年其盛

衰轉徙又多矣蓋縣北諸鎮莫大於石橋宋南陽六鎮

之一也

元豐九域志南陽縣有石橋河鎮

金張履坦郭宣道嘗居焉

中州

集乾隆府廳州縣圖志南陽縣石橋一鎮

北道三鴉通汝洛南循洱清乘漲

之郡瞬息可至穀縮水陸號爲繁富其地具五民舊家

頗習禮文農藝五穀多兼蔗菘菘爲縣最瀕西山俗

悍習鬪矢鉞命中猶有角鬪毛葫蘆之遺自石橋以西

曰安臯鎮明知縣何騰蛟破賊之處也北則騎立諸山

輻輳差莪舊多銀鐵之礦亦有修篁粟梨彌山樹檨春

蠶其葉秋則薪之閒道曲通嵩盧商洛爲縣奧區惟三

岔口

縣西北九十里

南河店

縣西北一百二十里

要其出入去縣治東北

三十里爲新店商賈走集甲乙石橋

國朝張問陶南陽北新店題壁詩

野色開千畝林光抱獨山遠遊虛白日久客改朱顏官冷行人笑才荒退筆閒詩名今暫悔舉酒謝雙鬢其

南曰三橋

縣東北二十里

濱洧爲聚漢之瓜里津也明編爲保

今廢久矣黃茅白沙彌望無際居民貿遷南集許坊北

集新店許坊去縣十五里亦殆廢矣新店北三十里爲

博望漢故侯國也

史記建元以來侯者表博望侯張騫索隱曰縣名屬南陽卽此國朝尙

銘爲南陽博望考乃云張騫封博望史漢傳注俱不言其地何在安得以南陽之博望屬之誤矣宋以

來爲鎮

元豐九域志南陽縣有博望鎮

自元府尹莊文昭設燕居堂教

郡子弟風流遞尙民間自爲廟學至今不廢社倉善堂視他鎮獨備此良吏興學之效也然地當驛衝土瘠商

賈稀俗儉嗇日甚西則廣陽北爲柳河皆密邇南召俗

大抵類博望夫涓水以東唐泌之閒賒旂店亦豫南巨

鎮也在縣東北九十里鎮莫知所由起或曰元分旗屯

田軍主氏余而譌也地瀕赭水北走汴洛南船北馬總

集百貨尤多秦晉鹽茶大賈居民率游手足食不事蓄

聚乍富乍貧習俗奢靡廝養走卒儀觀甚都客妓利屣

笙歌盈衢故士衣履或敝則眾笑之乾隆嘉慶中置巡

檢司設營汛咸豐軍興權關其市歲稅常巨萬自鐵路

輪船興道僻商賈日稀近益就衰矣要之縣中商埠猶

爲巨擘云過賒旂鎮以南爲青臺鎮左倚唐河

在縣東七十里

元初築城屯軍於此以圖宋襄陽過青臺以南爲桐河

鎮

在縣東五十里

亦縣東一聚也縣東聚落草店

縣東三十里

雙橋

縣東十五里

高廟

縣東五十里

橋頭

縣東北五十里

茶菴

縣東三十五里

亦有市

集商賈罕至故桐河介其中最著矣桐河青臺之間風

俗剛勁好義樂赴人急其弊仇殺勇於私鬪金華鎮在

桐河南少西

在縣東南六十里

界唐縣新野閒自縣閒道出隨

棗陽至武昌則由之其商多肩荷車獨輪無千金之賈其西爲中雷鎮在縣南三十里舊嘗置屯故亦曰三十里屯中雷北迤東有來威屯禹王店皆溧渠所逕也明

唐藩賜田在焉舊收畝一鍾自渠荒屯廢鎮遂日微中雷以南三十里爲瓦店是謂林水驛驛丞治之明將軍

鄧愈敗元兵於此或曰漢之小長安也鄧禹嘗寓焉

國

朝趙士麟有過瓦店有懷高密侯詩張問陶有瓦店詩

地瀕清水民習舟楫帆檣

出入時有贏餘其市多菽麥亦有麻油棗梨夏秋乘水漲下舟宛口輸之漢時獲倍稱之息至非其時則折閱

亦如之初漢置安眾侯國在縣西南唐編爲鄉宋以後

爲鎮

元豐九域志南陽有博望羅渠石橋河安眾北趙故縣六鎮安眾卽此博望石橋詳前羅渠今隸裕

州北趙今隸南召故不載

地小人眾無山林之饒然自縣以西王村

縣西三十里

馬集

縣西南四十里

陸官營

縣南四十五里

俗大抵勤儉頗有

夏人之遺安眾西南二十里爲青華鎮亦一聚落也舊

時鎮多秦晉賈號富實近十數年少替矣而穰東鎮

縣西

南六十里

毗連鎮平鄧州頗縮其米鹽果蔬之利此其彰彰

尤著者也若他村別爲集及塚頭壬子店歲一會聚時

過則已無足述者其著者惟賒旂店石橋瓦店柳又介

盛衰之間云